

1 CORINTIOS

¹ Pablojon quic'ot la quermano Sóstenes, palybilon ti apóstol i cha'an Jesucristo che' bajche' yom Dios.

² Wolic ts'ijbubeñetla ili jun, xñopt'añet b Δ la i cha'an Dios ya' ti Corinto. Tsa'ix ajq'uiyetla ti' wenta Dios. Palybiletla cha'an mi la' wochel ti Cristo Jesús la' wic'ot pejtel mu' b Δ i pejcañob lac Yum Jesucristo ti' c'aba', baqui jach añob. Jini lac Yum i yum Δ ch ja'el.

³ La' aq'uentiquetla i yutslel i pusic'al Dios yic'ot i ñ Δ ch't Δ lel la' pusic'al ch'oyol b Δ ti Dios lac Tat yic'ot ti lac Yum Jesucristo.

Wocolix i y Δ Δ Dios

⁴ Ti pejtelel ora mic suben c Dios wocolix i y Δ Δ cha'añetla, come aq'uebiletla i yutslel i pusic'al Dios ti Cristo Jesús.

⁵ Ti Cristo tsa' p'ojli la' wenlel ti pejtelel chuqui tac uts'at. Jini cha'an wen la' wujil t'an, wen an la' ña't Δ bal.

⁶ Come woli' tsictiyel i ye'tel Cristo ti la' tojlel che' bajche' tsac subeyetla.

⁷ Che' jini ma'anic chuqui anto yom la' cha'an, come wen chajp Δ biletla woli la' pijtan lac Yum Jesucristo mu' b Δ caj i tsictiyel.

⁸ Mi caj i ch Δ n xuc'chocoñetla c' Δ Δ l ti' jilibal cha'an ma'anic la' mul che' ti' q'uiñilel lac Yum Jesucristo.

⁹ Xuc'ul Dios tsa' b Δ i paly Δ yetla cha'an mi la' tem ajñel yic'ot i Yalobil, jiñ Δ ch Jesucristo lac Yum.

¿T'oxol ba Cristo?

¹⁰ Hermanojob, mic subeñetla ti wocol t'an ti' c'aba' lac Yum Jesucristo, yom junlajal mi la' cha'len t'an. Mach mi la' t'ox la' b_Λ ti leto. Tem ajñenla ti uts'at ti jump'ejl la' pusic'al ti jump'ejl la' ña't_Λbal.

¹¹ Come jini año' b_Λ ti' yotot Cloé tsi' subeyoñob woli la' w_Λlen la' b_Λ, quermanojob.

¹² Mi c_Λl isujm, come ti chajp ti chajp mi la' cha'len t'an ti jujuntiquiletla. Juntiquil mi' y_Λl: Joñon i cha'añoñ Pablo. Yamb_Λ mi' y_Λl: Joñon i cha'añoñ Apolos. Yamb_Λ mi' y_Λl: Joñon i cha'añoñ Cefas. Yamb_Λ mi' y_Λl: Joñon i cha'añoñ Cristo. Che'Λch mi la' cha'len t'an.

¹³ ¿T'oxol ba Cristo? ¿Tsa' ba ch'ijle ti cruz Pablo cha'añetla? ¿Tsa' ba la' ch'Λm_Λ ja' ti' c'aba' Pablo?

¹⁴ Mic suben Dios wocolix i y_Λl_Λ come ma'anic tsa c_Λq'ueyetla ch'Λmja'. Cojach tsa c_Λq'ueyob ch'Λmja' Crispo yic'ot Gayo,

¹⁵ ame anic majch mi' lon al tsa' aq'uentiyetla ch'Λmja' tij c'aba'.

¹⁶ Tsa c_Λq'ue ch'Λmja' Estéfanas ja'el yic'ot jini año' b_Λ ti' yotot. Mach cujilic mi tsa c_Λq'ue ch'Λmja' yamb_Λ.

¹⁷ Come Cristo ma'anic tsi' chocoyon majlel cha'an mi c_Λc' ch'Λmja'. Tsi' chocoyon majlel cha'an mic sub jini wen t'an. Mach ti' ña't_Λbalic jini pañimil mic sub ame sajtic i sujmllel i cruz Cristo.

Cristo, i p'Λt_Λlelyic'ot i ña't_Λbal Dios

¹⁸ Jini sajtemo' b_Λ mi' y_Λlob tonto jax i sujmllel jini cruz. Pero joñonla colt_Λbilon b_Λ la, la cujil jiñ_Λch i p'Λt_Λlel Dios.

19 Come ts'ijbubil: “Mi caj c jisabeñob i ña'tabal jini cabal b_Λ i ña'tabal. Mi caj c socbeñob i pusic'al jini año' b_Λ cabal i pusic'al”, che'en Dios.

20 ¿Bacan jini cabal b_Λ i ña'tabal? ¿Bacan jini sts'ijbaya? ¿Bacan jini mu' b_Λ i ña'tan i sujmllel jini pañimil am b_Λ w_Λle? Dios tsa'ix i p_Λs_Λ sojqquem jax i ña'tabal jini pañimil.

21 Che' bajche' tsi' w_Λn ña'ta Dios, jini año' b_Λ ti pañimil ma'anic mi' c_Λñob Dios cha'an ti' bajñel ña'tabal, come Dios mi' c'Λn jini t'an mu' b_Λ i y_Λjlel ti tonto cha'an mi' coltan jini mu' b_Λ i ñopob, come che' yom i pusic'al.

22 Jini judíojob mi' wersa c'ajtibeñob i yejtal tac i p'Λt_Λlel. Jini griegojob mi' sajcañob i ña'tabal pañimil.

23 Pero joñonla mi lac sub Cristo tsa' b_Λ ch'ijle ti cruz. Jini t'an mi' y_Λc' ti yajlel judíojob. Tonto jax jini t'an mi' y_Λlob gentilob.

24 Pero jini p_Λy_Λbilo' b_Λ, mi judíojob, mi griegojob, mi' ña'tañob jini Cristo i p'Λt_Λlel_Λch Dios, i ña'tabal_Λch Dios ja'el.

25 I ña'tabal Dios mu' b_Λ i y_Λjlel ti tonto mach sojqquemich che' bajche' i ña'tabal winicob. I melbal Dios mach b_Λ anic i p'Λt_Λlel mi' lon q'uelob winicob, ñumen p'Λt_Λl_Λch bajche' i p'Λt_Λlel winicob.

26 Come ña'tanla, hermanojob, bajche' tsa' p_Λjyiyetla. Ma'anic cabal ñuco' b_Λ am b_Λ cabal i ña'tabal ti la' tojlel. Ma'anic cabal p'Λt_Λlo' b_Λ, mi cabal yum_Λlob.

27 Jini mu' b_Λ i q'uejlel ti tonto w_Λ' ti pañimil Dios tsi' yajca cha'an mi' y_Λc' ti quisin jini cabal b_Λ i ña'tabal. Tsi' yajca jini mach b_Λ p'Λt_Λlic ti pañimil

cha'an mi' yac' ti quisin jini p'atlo' b_Λ.

²⁸ Dios tsi' yajca jini mach b_Λ ñuquic ti pañimil yic'ot jini ts'a'lebil b_Λ yic'ot jini mach b_Λ anic i c'ajñibal cha'an mi' jisan jini am b_Λ i c'ajñibal ti' tojlel winicob.

²⁹ Che' jini ma'anic majqui mi mejlel i chañ'esan i b_Λ ti' tojlel Dios.

³⁰ Come Dios tsi' y_Λq'ueyetla la' wajñel ti Cristo Jesús. Dios tsi' y_Λq'ueyonla Cristo. Jiñach lac ña't_Λbal tilem b_Λ ti Dios. Jiñach tsa' b_Λ i y_Λc'ayonla ti' wenta Dios, tsa' b_Λ i q'ueleyonla ti toj. Jiñach tsa' b_Λ i y_Λc'onla ti libre.

³¹ Jini cha'an, che' bajche' ts'ijbubil: “Jini yom b_Λ i sub chuqui ñuc, la' i tsictesan i ñuclac Yum”.

2

Cristo tsa' b_Λ ch'ijle ti cruz

¹ Hermanojob, che' b_Λ tsa' c'otiyon ba' añetla ma'anic tsac pejcayetla ti to'ol ch'ejl jach b_Λ t'an yic'ot c bajñel ña't_Λbal che' b_Λ tsac subeyetla i t'an Dios.

² Come tsa c_ΛΛ tic pusic'al ma'anic chuqui mi caj c ña'tan ti la' tojlel, cojach Jesucristo tsa' b_Λ ch'ijle ti cruz.

³ Che' b_Λ ya' añon quic'otetla wen c'uñon, cab_Λ c b_Λq'uen, tsiltsilñayon.

⁴ Che' b_Λ tsac pejcayetla, che' b_Λ tsac cha'le sub t'an cha'an mic xiq'uetla, tsiquil mach tilemic c t'an tic bajñel pusic'al pero tilem ti' p'atlel Espíritu,

⁵ cha'an wen xuc'ul mi la' ñop. Come jiñach i ye'tel Dios yic'ot i p'atlel, mach i ye'telic winicob cab_Λ b_Λ i ña't_Λbal.

I tsictes_Λbal i yEspíritu Dios

⁶ Mic sub lojon i ña'tabal Dios ti' tojlel jini xuc'ul b_Λ xñopt'añob. Ma'anic mic sub lojon i ña'tabal pañimil, mi i ña'tabal yum_Λlob mu' b_Λ i jilelob.

⁷ Mic sub lojon i ña'tabal Dios mach b_Λ tsic-tiyemic ti yamb_Λ ora, jini mucul b_Λ i ña'tabal tsa' b_Λ i w_Λn wa'choco Dios che' b_Λ maxto anic pañimil, cha'an mi' y_Λq'ueñonla lac ñuclél.

⁸ Jini yum_Λlob ti pañimil ma'anic tsi' c_Λñayob i ña'tabal Dios mi juntiquilic. Tsa'ic i c_Λñayob, ma'anic tsi' ch'ijiyob ti cruz lac Yum am b_Λ i yum_Λntel ti chan.

⁹ Come ts'ijbubil: “Jini mach b_Λ q'uelbilic ti' wut winicob, jini mach b_Λ ubibilic ti' chiquin winicob, jini mach b_Λ anic tsi' ña'tayob winicob ti' pusic'al, jiñ_Λch tsa' b_Λ i chajpa Dios cha'an mi' y_Λq'ueñob jini mu' b_Λ i c'uxbiñob Dios”, che'en.

¹⁰ Dios tsi' laj tsictes_Δbeyonla ti' p'_Λt_Λlel jini Espíritu, come jini Espíritu mi' ch'_Λmben isujm pejtelel chuqui tac an yic'ot i sujmlél Dios wocol b_Λ ti c_Λñol.

¹¹ ¿Am ba juntiquil winic mu' b_Λ mejlel i c_Λmben i pusic'al yamb_Λ winic? Ma'anic. Cojach i ch'ujlel jini winic mi' ña'tan chuqui an ti' bajñel pusic'al. Che' ja'el ma'anic majch mi' c_Λmben i ña'tabal Dios, cojach i yEspíritu Dios.

¹² Ma'anic tsa' aq'uentiyonla i ña'tabal pañimil. Tsa' aq'uentiyonla jini Espíritu ch'oyol b_Λ ti Dios cha'an mi laj c_Λn chuqui woli' y_Λq'ueñonla Dios.

¹³ Jiñ_Λch mu' b_Λ c sub lojon. Jini t'an mu' b_Λ c sub lojon mach tilemic ti winicob cab_Λl b_Λ i pusic'al ti pañimil, pero jini Espíritu tsi' c_Λntesayon lojon. Mi' y_Λq'ueñon lojon jini t'an cha'an mic tsictes_Δbeñob jini mu' b_Λ i jac'beñob jini Espíritu.

14 Jini mach b Δ anic Espíritu yic'ot, ma'anic mi' ch' Δ mben isujm jini ch'oyol b Δ ti' yEspíritu Dios, come mi' y Δ l tonto jax. Mach mejlic i ch' Δ mben isujm, come cojach jini Espíritu mi' y Δ q'ueñonla lac ch' Δ mben isujm.

15 Jini am b Δ i cha'an jini Espíritu mux i mejlel i laj ch' Δ mben isujm. Ma'anic majch mi' c Δ mben i pusic'al jini winic.

16 Come ¿majqui tsi' c Δ mbe i pusic'al lac Yum? ¿Majqui tsi' c Δ ntesa? Pero an lac cha'an i ña't Δ bal Cristo.

3

X'e'telonla yic'ot Dios

1 Che' jini hermanojob, ma'anic tsa' mejli c pej-cañetla che' bajche' mic pejcan jini mu' b Δ i jac'ob i yEspíritu Dios, come mi' la' jac'ben jini tsucul b Δ la' pusic'al, come al Δ let to la ti Cristo.

2 Tsa c Δ q'ueyetla la' jap leche. Ma'anic tsa c Δ q'ueyetla we'el Δ , come maxto mejlic la' c'ux. C' Δ l Δ l w Δ le mach mejliquetla.

3 Come woli to la' jac'ben i tsuculel la' pusic'al. Woli la' ts Δ jyuben la' b Δ la' wenlel. Woliyetla ti leto. Woli la' t'ox la' b Δ ti t'an. Che' jini ¿mach ba wolic la' jac'ben i tsuculel la' pusic'al? ¿Mach ba lajalic woli la' cha'len che' bajche' i cha'año' b Δ pañimil?

4 Come juntiquil mi' y Δ l: Ti isujm i cha'añoñ Pablo, che'en. Yamb Δ mi' y Δ l: I cha'añoñ Apolos, che'en. ¿Mach ba wolic la' jac'ben i tsuculel la' pusic'al?

5 ¿Majqui jini Pablo che' jini? ¿Majqui jini Apolos? X'e'telon lojon tsa' b Δ c Δ q'ueyet la' ñop Dios cha'an

ti' p'atɬel lac Yum tsa' bɬ i yɬq'ueyon lojon ti jujuntiquilon lojon.

⁶ Joñon tsac cha'le pac'. Apolos tsi' mulu. Dios tsi' yɬc'ɬ ti coel.

⁷ Che' jini mach ñuquic jini mu' bɬ i cha'len pac' yic'ot jini mu' bɬ i mul. Cojach ñuc Dios mu' bɬ i yɬc' ti coel.

⁸ Jini mu' bɬ i cha'len pac' yic'ot jini mu' bɬ i mul junlajalob. Ti jujuntiquil mi caj i yɬq'uentelob i chobejtɬbal che' bajche' an i ye'tel.

⁹ Come joñon lojon x'e'telon lojon yic'ot Dios. Jatetla i choletla Dios, i yototetla Dios.

¹⁰ Joñon che' bajche' tsa' aq'uentiyon i yutslal i pusic'al Dios, tsac ts'ajquibe i c'ɬclib otot che' bajche' juntiquil wen yujil bɬ i wa'chocontel otot. Yambɬ mi' wa'chocon i ye'tel ti' pam i c'ɬclib. Ti jujuntiquil la' i q'uel bajche' mi' wa'chocon i ye'tel ti' pam.

¹¹ Come ma'anic majqui mi mejlel i yɬq'uen yambɬ i c'ɬclib otot. Jini laj c'ɬclib jiñach Jesu-cristo.

¹² Mi an majch mi' c'ɬn oro, mi tsucul taq'uin, mi c'ax wen bɬ xajlel, mi te', mi jam, mi tiquin pimel cha'an mi' wa'chocon otot ti' pam jini c'ɬclib,

¹³ mi caj i tsictiyel bajche' yilal i ye'tel jujuntiquil winic ti jini q'uin che' mi' yɬjq'uel ti tsictiyel. Mi caj i tsictiyel ti c'ajc mi weñach i ye'tel jujuntiquil winic.

¹⁴ Mi ma'anic tsa' jili ti c'ajc i ye'tel tsa' bɬ i wa'choco ti' pam, mi caj i yɬq'uentel i chobejtɬbal.

¹⁵ Mi tsa' puli i ye'tel ma'anix i chobejtɬbal, come sajtem i ye'tel, pero mi caj i coltɬntel jini winic che' bajche' juntiquil tsa' bɬ i yɬɬ pulal ti c'ajc.

16 ¿Mach ba la' wujilic? Jatetla i templojetla Dios. I yEspíritu Dios mi' chumtΛl la' wic'ot.

17 Mi an majch mi' jisΛben i templo Dios, Dios mi caj i jisan jini winic, come ch'ujul i Templo Dios. Jatetla i templojetla.

18 Mach a jac' a lotintel. Mi an majch mi lon al ti' pusic'al an cabΛ i ña'tΛbal ti jini pañimil, la' i q'uel i bΛ ti tonto cha'an mi mejlel i taj wen bΛ i ña'tΛbal.

19 Come Dios mi' q'uel ti tonto i ña'tΛbal jini pañimil che' bajche' ts'ijbubil: “Dios mi' tsictesan lolom jach jini año' bΛ cabΛ i ña'tΛbal che' maya jax woli' melob”, che'en.

20 Ts'ijbubil ja'el: “Lac Yum yujil lolom jach chuqui mi' yΛlob ti' bajñel pusic'al jini año' bΛ cabΛ i ña'tΛbal”, che'en.

21 Jini cha'an mach yomix mi la' t'ox la' bΛ cha'an mi la' tsajcan winicob. Come la' cha'añach pejtelel chuqui tac an,

22 yic'ot pejtel winicob, mi Pablo, mi Apolos, mi Pedro, mi jini pañimil yic'ot chuqui woli' yujtel wale yic'ot chuqui mi' caj ti ujtel che' cuxuletla yic'ot che' mi la' chΛmel.

23 Jatetla i cha'añetla Cristo. Cristo i cha'añach Dios.

4

Apóstolob i cha'an Cristo

1 La' i ña'tañob winicob x'e'telon lojon i cha'an Cristo. XcΛntayajon lojon cha'an i sujmllel Dios mach bΛ tsictiyemic ti yambΛ ora.

2 Jini xcΛntaya wersa yom xuc'ul mi' pΛs i bΛ ti' ye'tel i yum.

³ Ma'anic mic mel c pusic'al cha'an chuqui mi' y_Λlob winicob, mi jatetla mi yaño' b_Λ, mi woli la' w_Λl uts'aton o mach uts'atonic.

⁴ Anquese ma'anic woli ti t'an c pusic'al, ma'anic mic sub c b_Λ ti uts'at. Jini mu' b_Λ i q'uelon, mu' b_Λ caj i melon, jiñ_Λch lac Yum.

⁵ Jini cha'an mach mi la' sub mi uts'at o mi mach uts'atobic winicob x'ixicob che' maxto i yorajlelic, che' maxto tilemic lac Yum. Come lac Yum mi caj i tsictesan jini mucul tac b_Λ mach b_Λ tsictiyemic. Mi caj i y_Λc' ti tsictiyel chuqui woli lac ña'tan ti lac pusic'al. Che' jini Dios mi caj i tsictes_Λbeñob i ñuclél winicob ti jujuntiquil.

⁶ C'ux mi cubiñetla hermanojob. Jini cha'an tsa'ix c tajbe i c'aba' Apolos yic'ot j c'aba' cha'an mij c_Λntesañetla bajche' yom mi la' cha'len. Com mi la' q'uel ti joñon lojon bajche' yom mi la' wajñel che' bajche' ts'ijbubil. Mach mi la' sub ti ñuc juntiquil cha'an mi la' ts'a'len yamb_Λ.

⁷ Come ¿majqui tsi' y_Λq'ueyetla la' c'ajñibal ti chajp ti chajp? ¿Mach ba aq'uebileticla ti la' majtan jach? Mi tsa' aq'uentiyetla, ¿chucoch ñuc mi la' q'uel la' b_Λ che' bajche' mach aq'uebiletic la ti la' majtan?

⁸ Mi la' lon al jas_Λlix la' c_Λntes_Λntel ti Dios, cab_Λlix la' ña't_Λbal. Che' mach ya'ic añon lojon la' wic'ot mi la' lon mel la' b_Λ che' bajche' reyetla. Uts'at, aja reyeticla cha'an temel mi lac cha'len rey.

⁹ Apóstolon lojon. Mi c_Λl Dios tsi' y_Λc'_Λyon lojon ti q'uejlel ti wi'il pat che' bajche' chucbil b_Λ winicob mu' b_Λ caj i ts_Λns_Λntelob, come tsi' y_Λc'_Λyon lojon ti

pañimil ba' mi' q'ueloñob jini ángelob yic'ot winicob x'ixicob.

¹⁰ Tonto mij q'uejlel lojon cha'an c'ux mi cubin lojon Cristo, pero cabal la' ña'tabal ti Cristo. C'uñon lojon, pero p'atletla. An la' ñucel, pero ts'a'lebilon lojon.

¹¹ C'alal wale mi cubin lojon wi'ñal yic'ot tiquin ti'. Pits'ilon lojon, lojwemon lojon ti asiyal. Ma'anic cotot lojon ba' mic chumtal.

¹² Mic cha'len lojon wensa e'tel tij c'ab. Che' mi' p'ajoñob mic pejcañob ti wen b_Δ t'an. Che' mi' tic'lañoñob, mij cuchben lojon.

¹³ Che' mi' yu'yajiñoñob, mic pejcañob ti uts b_Δ t'an. Mij q'uejlel lojon c'alal wale che' bajche' misujelal, che' bajche' i bibi'lel pejtetl chuqui mi' chojquel.

¹⁴ Mach cha'anic mij quisnitesañetla wolic ts'ijban jini t'an, pero cha'an mic xic'beñetla ti uts'at come c'uxbibil b_Δ calobiletla.

¹⁵ Anic la' cha'an lujump'ejl mil xcantesajob ti Cristo, juntiquil jach la' tat. Come ti Cristo Jesús joñon tsac techeyetla ti jini wen t'an.

¹⁶ Jini cha'an la' wolic mic subeñetla, melela che' bajche' mic mel.

¹⁷ Jini cha'an tsac choco majlel Timoteo ba' añetla. Jiñach c'uxbibil b_Δ calobil. Xuc'ul i pusic'al ti lac Yum. Mi caj i yaq'ueñetla la' cha' ña'tan chuqui mic cha'len ti Cristo. Che' bajche' mij cantesan xñopt'añob ti pejtelel pañimil baqui jach mi' tempañob i b_Δ, che'ach mic mel ja'el.

¹⁸ Lamitaletla ñuc mi la' q'uel la' b_Δ cha'an woli la' lon al ma'anix mic ch_Δn tilel ba' añetla.

¹⁹ Pero mach jalix mi caj j c'otel ba' añetla mi yom

lac Yum. Mi caj j q'uel mi an i p'ʌtʌlel jini mu' bʌ i lon q'uelob i bʌ ti ñuc o mi to'ol t'an jach woliyob.

²⁰ Come mach to'ol t'anic jach i yumʌntel Dios pero an cabʌ i p'ʌtʌlel.

²¹ ¿Chuqui la' wom? ¿La' wom ba mic ch'ʌm tilel asiyal ba' añetla o la' wom ba mic tilel ti c'uxbiya yic'ot i yutslal c'pusic'al?

5

Juntiquil tsa' bʌ i taja i ts'i'lel

¹ Isujm woli' yʌlob an juntiquil ti la' tojlel woli bʌ i taj i ts'i'lel, ñumen leco bajche' mi' melob jini sajtemo' bʌ, come jini winic wolix i yajñel yic'ot i majaña'.

² Jatetla chan mi la' lon mel la' bʌ. ¿Mach ba yomic mi la' wuc'tʌben i mul? ¿Mach ba yomic mi la' choc loq'uel ti la' tojlel jini tsa' bʌ i mele bajche' jini?

³ Isujm mach ya'ic añon la' wic'ot tic bʌc'tal, pero ya' añon ti espíritu. Tsa'ix c' ña'ta bajche' yom mi' mejlel jini am bʌ i mul.

⁴ Che' temel añetla ya'ʌch añon quic'otetla yubil, come ya'an i p'ʌtʌlel lac Yum Jesucristo. Ti' c'aba' lac Yum Jesucristo mic subeñetla,

⁵ la' poj chojq'uc loq'uel ti la' tojlel jini winic cha'an mi' yajñel ti' wenta Satanás, cha'an mi' yubin wocol, cha'an mi' jisʌntel i tsucul pusic'al, cha'an mi' coltʌntel i ch'ujlel ti' q'uiñilel lac Yum.

⁶ Mach wenic mi la' q'uel la' bʌ ti ñuc. ¿Mach ba la' wujilic mi' p'ojlel majlel mulil che' bajche' ts'ita' jach levadura mi' laj xaxan ti' junc'ojlel caxlan waj?

⁷ Chocla loq'uel jini tsucul b_Λ la' melbal come tsijib melbiletix la. Come jini lac Tiñame' cha'an Pascua jiñach Cristo tsa' b_Λ ajq'ui ti chamel cha'añonla.

⁸ Jini cha'an la' lac mel q'uin ti uts'at. Mach yomic tsucul b_Λ levadura, jiñach jontolil yic'ot mulil. Yom jini isujm b_Λ waj mach b_Λ anic i levadurajlel, jiñach i s_Λclel lac pusic'al.

⁹ Tsac ts'ijbubeyetla tic jun cha'an mach yomic mi la' wajñel yic'ot jini mu' b_Λ i tajob i ts'i'lel.

¹⁰ Isujm, mach mejlic la' junyajlel loq'uel ti' tojlel i cha'año' b_Λ pañimil mu' b_Λ i tajob i ts'i'lel, mu' b_Λ i ch_Λcleño*b* i chub_Λ'an, mu' b_Λ i cha'leño*b* xujch', mu' b_Λ i c'uxbiño*b* dioste' tac. Muq'uc la' junyajlel loq'uel ti' tojlelob, actan che' jini, ma'añetixla ti pañimil.

¹¹ Mic ts'ijbubeñetla w_Λle, mach mi la' ñochtan mi juntiquilic, anquese mi' sub i b_Λ ti hermano, mi woli' taj i ts'i'lel, mi an i ch_Λclel, mi woli' c'uxbin dioste' tac, mi woli' cha'len p'ajoñel, mi woli ti y_Λc'ajel, mi woli ti xujch'. Mach mi la' cha'len we'el yic'ot.

¹² ¿Am ba que'tel cha'an mic mel jini mach b_Λ ochemobic? ¿Mach ba la' wentajic mi la' mel jini ochemo' b_Λ?

¹³ Come Dios mi caj i mel jini mach b_Λ ochemobic. Chocla loq'uel ti la' tojlel jini xjontolil.

6

*Che' mi' melob i b_Λ jini xñopt'año*b**

¹ Jixcu jatetla che' mi la' contrajin la' b_Λ ti meloñel, ¿yom ba mi la' majlel la' mel la' b_Λ ba'an

jini am b_Λ i ye'tel mach b_Λ i c_Λñ_Λyic Dios? ¿Mach ba yomic mi la' mel la' b_Λ ti' tojlel i cha'año' b_Λ Dios?

² ¿Mach ba la' wujilic? I cha'año' b_Λ Dios mi caj i melob i cha'año' b_Λ pañimil. Mi wersa mi caj la' mel i cha'año' b_Λ pañimil, ¿mach ba mejlic la' mel jini mu' b_Λ i cha'leñob leto ti la' tojlel?

³ ¿Mach ba la' wujilic mi caj lac mel ángelob? Jini cha'an ñumen mi mejlel lac mel winicob ila ti pañimil.

⁴ Mi an ti la' wenta cha'an mi la' melob cha'an chuqui tac woli ti ujtel ti ili ora, ¿chucoch mi la' chocob majlel ba'an winicob mach b_Λ hermanojobic cha'an mi' melob?

⁵ Yom mi la' cha'len quisin. ¿Mach ba anic mi juntiquilic hermano yujil b_Λ meloñel ti la' tojlel?

⁶ Jini hermanojob mi' contrajiñob i b_Λ. Mi' majlelob ti meloñel ti' tojlel jini mach b_Λ anic mi' ñopob Dios.

⁷ Anix la' sajtemal che' jini, come woli la' contrajin la' b_Λ ti' tojlel jini sajtemo' b_Λ. ¿Chucoch ma'anic mi la' cuchben i mul la' wermano che' mi' techbeñetla wocol? ¿Chucoch ma'anic mi la' ñus_Λben che' mi' chilbeñet la' chub_Λ'an?

⁸ Jatetla mi la' mel chuqui mach tojic. Mi la' cha'len chiloñel, mi la' contrajin la' wermanojob.

⁹ ¿Mach ba la' wujilic? Ma'anic mi caj i yochelob ti' yum_Λntel Dios jini mach b_Λ tojobic. Mach mi la' ñop lot. Ma'anic mi caj i yochelob ti' yum_Λntel Dios jini mu' b_Λ i tajob i ts'i'lel, mi jinic mu' b_Λ i c'uxbiñob dioste' tac, mi jinic mu' b_Λ i tajob i yixic, mi jinic mach b_Λ anic mi' tic'ob i colosojlel i pusic'al, mi jinic winicob mu' b_Λ i w_Λlac pi'leñob i b_Λ.

10 Jini xchiloñelob, jini xch^Λclelob, jini xy^Λc'ajelob, jini xp'ajoñelob, jini xujch'ob ma'anic mi caj i yochelob ti' yum^Λntel Dios.

11 Lamitaletla che'ach tsa' la' mele, pero w^Λle pocbiletixla ti' c'aba' lac Yum Jesucristo cha'an ti' yEspíritu lac Dios. Tsa'ix ajq'uiyetla ti' wenta Dios. Wolix la' q'uejlel ti toj.

Tsictesanla i ñucl^Λel Dios ti la' b^Λc'tal

12 Mi mejlel c mel pejt^Λel chuqui com, mach tic'bilonic, pero mach uts'atic mi tsac mele ti pejt^Λel. Chuqui jach com c mel, mi mejlel c mel, pero ma'anic mi caj c mel ame ñ^Λm'ac c pusic'al.

13 Uts'at we'el^Λ cha'an lac ñ^Λc'. Jini lac ñ^Λc' i yajñib^Λach we'el^Λ. Pero Dios mi caj i jisan lac ñ^Λc' yic'ot we'el^Λ. Jini lac b^Λc'tal mach cha'anic ts'i'lel, i cha'añ^Λach lac Yum. Lac Yum mi caj i coltan lac b^Λc'tal.

14 Dios tsa' b^Λ i teche ch'o^Λjyel lac Yum mi caj i techonla ch'o^Λjyel ja'el ti' p'^Λt^Λlel.

15 ¿Mach ba la' wujilic i cha'añ^Λach Cristo la' b^Λc'tal? ¿Yom ba mij c'^Λn c b^Λc'tal che' i cha'anix Cristo, cha'an mi c^Λq'uen ts'i'lel b^Λ x'ixic? Mach yomic.

16 ¿Mach ba la' wujilic? Jini mu' b^Λ i pi'len juntiquil moja, jump'e^Λjl jach mi' majlel i b^Λc'tal yic'ot. Come Dios mi' y^Λ: “Jini cha'tiquil mi' yochelob ti juntiquil jach”, che'en.

17 Jini mu' b^Λ i yajñel yic'ot lac Yum mi' yochel ti jump'e^Λjl i pusic'al yic'ot lac Yum.

18 Puts'tanla ts'i'lel. Jini mu' b^Λ i cha'len ts'i'lel ñumen mi' tic'lan i b^Λc'tal bajche' jini mu' b^Λ i cha'len yan tac b^Λ mulil.

19 ¿Mach ba la' wujilic? La' bΛc'tal i templojΛch jini Ch'ujul bΛ Espiritu tsa' bΛ i yΛq'ueyetla Dios mu' bΛ i yajñel ti la' pusic'al. Mach la' bajñel wentajic la' bΛ.

20 Come tsa' mΛjñiyetla, tojbiletla. Tsictesanla i ñucllel Dios ti la' bΛc'tal yic'ot ti la' ch'ujlel, come i cha'añΛch Dios.

7

Bajche' yom mi' yajñelob winicob x'ixicob

1 Wolic ña'tan chuqui tsa' la' ts'ijbubeyon. Uts'at mi ma'anic mi' pΛy x'ixic winic.

2 Pero an cabΛl mu' bΛ i tajob i yixic. Jini cha'an la' i pΛy i yijñam jujuntiquil winic. La' i taj i ñoxi'al jujuntiquil x'ixic.

3 Jini winic la' i pi'len i yijñam ti uts'at, che' ja'el i yijñam la' i pi'len i ñoxi'al ti uts'at.

4 Jini x'ixic mach i bajñel cha'anic i bΛc'tal, come mi' yuman i ñoxi'al. Che' ja'el i ñoxi'al mach i bajñel cha'anic i bΛc'tal, come mi' yuman i yijñam.

5 Mach la' cΛy la' pi'len la' bΛ, cojach mi la' wom ti la' cha'ticel cha'an mi la' wΛc' la' bΛ ti oración. Che' mi' yujtel oración yom mi la' cha' pi'len la' bΛ ame i pΛyetla ti mulil Satanás che' ma'anic i p'ΛtΛlel la' pusic'al.

6 Che'Λch mic sub cha'an mij coltañetla. Mach ti madaric wolic sub.

7 Come mi cΛl uts'at mi lajalob pejtél winicob che' bajche' joñon. Pero ti jujuntiquil an i c'Λjñibal aq'uebil bΛ i cha'an Dios. Juntiquil an junchajp i c'Λjñibal, yambΛ an yambΛ i c'Λjñibal.

⁸ Mic suben jini i bajñel jax to bΛ añob yic'ot ja'el jini xmeba ixicob cha'an uts'at mi' chΛn ajñelob che' bajche' joñon.

⁹ Mi mach mejlicob i bajñel ajñelob ti uts'at, la' i cha'leñob ñujpuñel. Uts'at mi' cha'leñob ñujpuñel. Mach uts'atic mi' jac'ob i colosojlel i pusic'al.

¹⁰ Mic subeñob jini ñujpuñemo' bΛ, pero mach c mandaric wolic sub. I mandarΛch lac Yum: Jini x'ixic mach i lon cΛy i ñoxi'al.

¹¹ Mi tsi' cΛyΛ i ñoxi'al x'ixic la' ajnic ti' bajñelil. Mi mach yomic ajñel ti' bajñelil, la' i mel i bΛ ti uts'at yic'ot i ñoxi'al. Che' ja'el winic, mach i choc loq'uel i yijñam.

¹² JiñΛch mu' bΛ c sub joñon. Ma'anic tsi' subu lac Yum: Mi ma'anic mi' ñop lac Yum i yijñam juntiquil hermano, mach i choc loq'uel i yijñam che' yom to ajñel jini x'ixic yic'ot.

¹³ Mi ma'anic mi' ñop lac Yum i ñoxi'al juntiquil hermana, mach i cΛy i ñoxi'al che' yom to ajñel jini winic yic'ot.

¹⁴ Come jini winic mach bΛ anic mi' ñop lac Yum, mi' poj q'uejlel ti sΛc ti Dios che' woli' yajñel yic'ot i yijñam mu' bΛ i ñop lac Yum. Jini x'ixic mach bΛ anic mi' ñop lac Yum, mi' poj q'uejlel ti sΛc ti Dios che' woli' yajñel yic'ot i ñoxi'al mu' bΛ i ñop. Mi mach che'iqui, mach sΛquic mi' q'uejlel la' walobilob. WΛle ch'ujulob mi' q'uejlelob.

¹⁵ Mi yom loq'uel majlel jini mach bΛ anic mi' ñop lac Yum, la' loq'uic. Che' jini juntiquil hermano mi winic mi x'ixic mach chΛn anix ti' p'ΛtΛlel i pi'Λl mi tsa' loq'ui i pi'Λl. Tsa'ix i pΛyΛyonla Dios cha'an ñΛch'Λl mi la cajñel.

16 Hermana, ¿mach ba a wujilic? Tic'ɔl mi mejlel a coltan a ñoxi'al cha'an mi' ñop. Hermano, ¿mach ba a wujilic? Tic'ɔl mi mejlel a coltan a wijñam cha'an mi' ñop.

17 Ti jujuntiquil winic la' ajnic che' bajche' tsa' aq'uenti i c'ajñibal ti lac Yum che' bajche' Dios tsi' pɔyɔ ti jujuntiquil. Che'i mij cantesan xñopt'añob baqui jach mi' tempañob i bɔ.

18 Mi an majch mi' pɔjyel ti Dios che' tsepbilix i pɔchɔlel, che'ɔch yom mi' yajñel. Mi an majch mi' pɔjyel che' mach tsepbilic i pɔchɔlel, mach i yɔc' ti tsepol.

19 Come ma'anic chuqui mi' cha'len mi tsepbil o mi mach tsepbilic lac pɔchɔlel. Pero yom Dios mi lac jac'ben i mandar.

20 Ti jujuntiquil la' ajnic che' bajche' tsi' taja Dios che' bɔ tsi' pɔyɔ.

21 ¿Tsa' ba pɔjyiyet che' añet ti a yum? Mach a mel a pusic'al. Pero mi tsa' mejliyeyet ti loq'uel ñumen uts'at.

22 Come lac Yum tsa' bɔ i pɔyɔ jini am bɔ ti' yum, tsa'ix i yɔc'ɔ ti libre. Pero jini tsa' bɔ pɔjyi che' libre an, tsa'ix ochi ti' wenta cha'an mi' yuman Cristo.

23 Tsa' ma'jnyetla. Tojbiletla. Ña'tanla mach chɔn i cha'añetixla winicob.

24 Hermanojob, bajche' jach añetla che' bɔ tsi' pɔyɔyeyetla Dios, che'ɔch yom mi la' wajñel ti Dios ti jujuntiquiletla.

25 Ma'anic tsa' aq'uentiyon mandar ti lac Yum cha'an mic subeñob xch'oc tacob. Cojach mic sub chuqui wolic ña'tan tic pusic'al, come lac Yum ti' yutslal i pusic'al tsi' yɔc'ɔyon ti ajñel ti xuc'ul.

26 An cab_Λ wocol ti ili ora. Jini cha'an mi c_Λl uts'at mi che' jach mi' yajñelob winicob che' bajche' añob.

27 Mi an a wijñam, mach a ñop a c_Λy. Mi ma'anic a wijñam, mach a sajcan a wijñam.

28 Mi tsa' p_Λy_Λ a wijñam, mach mulilic. Che' ja'el jini xch'oc mi tsi' taja i ñoxi'al, mach mulilic. Pero jini mu' b_Λ i p_Λyob i b_Λ, wersa mi caj i yubiñob wocol ti pañimil. Mach comic mi la' taj jini wocol.

29 Mic subeñetla hermanojob, jumuc' w_Λ' añonla. Jini año' b_Λ i yijñam la' i melbeñob i ye'tel lac Yum che' bajche' jini mach b_Λ añobic i yijñam.

30 Jini mu' b_Λ i cha'leñob uq'uel che'ach mi caj i yajñelob bajche' jini mach b_Λ anic mi' cha'leñob uq'uel. Jini tijicñayo' b_Λ che'ach mi caj i yajñelob bajche' jini mach b_Λ tijicñayobic. Jini mu' b_Λ i cha'leñob m_Λñoñel che'ach mi caj i yajñelob bajche' jini mach b_Λ añobic i chub_Λ'an.

31 Jini mu' b_Λ i c'añob chuqui tac an ti pañimil che'ach mi caj i yajñelob bajche' jini mach b_Λ anic mi' c'añob, come pejtél chuqui mi laj q'uel ti pañimil, jilel jach woli.

32 Mach comic mi la' mel la' pusic'al. Jini mach b_Λ anic i yijñam mi' ch_Λn ña'tan lac Yum cha'an mi' mel chuqui mi' mulan lac Yum.

33 Jini am b_Λ i yijñam mi' ch_Λn ña'tan i ye'tel ti pañimil cha'an tijicña mi' q'uel i yijñam.

34 Che' ja'el mach lajalic x'ixic am b_Λ i ñoxi'al yic'ot xch'oc mach b_Λ anic i ñoxi'al. Jini mach b_Λ anic i ñoxi'al mi' ch_Λn ña'tan lac Yum cha'an s_Λc mi' yajñel i b_Λc'tal yic'ot i ch'ujlel. Jini x'ixic am b_Λ i ñoxi'al mi' ña'tan i ye'tel ti pañimil cha'an tijicña mi' yubin i ñoxi'al.

³⁵ Mic sub jini t'an cha'an mij coltañetla, mach cha'anic mi la' chujquel ti yac, pero cha'an mi la' mel chuqui wen yic'ot chuqui toj, cha'an ma'anic chuqui mi' mactañetla la' wen tsajcan lac Yum.

³⁶ Mi an winic mu' b_Λ i ña'tan mach uts'atic woli' cha'len che' ma'anic mi' sijin i yalobil c'ΛΛΛ mi' ñejp'an, mi wersa yom i sijin, la' i y_{ΛC}' ti ñujpuñel i yalobil che' bajche' yom i pusic'al. Mach mulilic.

³⁷ Pero jini xuc'ul b_Λ i pusic'al mach b_Λ yomic i sijin i yalobil, come tsi' ña'ta i c_Λantan i yalobil che' mach wersajic mi' sijin, uts'at mi' mel che' ma'anic mi' y_{ΛC}' ti ñujpuñel.

³⁸ Jini mu' b_Λ i sijin i yalobil uts'at mi' mel. Jini mach b_Λ anic mi' sijin ñumen uts'at mi' mel.

³⁹ Jini x'ixic an ti' wenta i ñoxi'al che' cuxul to i ñoxi'al. Mi tsa' ch_Λmi i ñoxi'al mi mejlel i cha' cha'len ñujpuñel mi yom, pero yom yic'ot winic ochem b_Λ ti lac Yum.

⁴⁰ Mi c_ΛΛ, ñumen tijicña jini x'ixic mi che jach ti' bajñelil mi' yajñel. Cujil ja'el, añ_Λch quic'ot i yEspíritu Dios.

8

We'el_ΛΛ aq'uebil b_Λ dios te' tac

¹ W_Λle, cha'an we'el_ΛΛ aq'uebil b_Λ dioste' tac ti' majtan, la kujil an lac ña't_Λbal ti lac pejtelel. Lac ña't_Λbal mi' y_Λq'ueñonla lac lon q'uel lac b_Λ ti ñuc, pero laj c'uxbiya mi' ñijcañonla ti coltaya.

² Mi an majch mi' lon ña'tan cab_ΛΛ_Λch i pusic'al, maxto yujilic chuqui yom mi' ña'tan.

³ Mi an majch mi' c'uxbin Dios, c_Λmbil jini winic ti Dios.

⁴ ¿Yom ba mi laj c'ux we'elal aq'uebil b_Λ dioste' tac ti' majtan? La cujil ma'anic i c'ajñibal dioste' tac ti pañimil, come ma'anic yamb_Λ Dios, juntiquil jach.

⁵ Mi' lon alob an cab_Λ dios ti panchan yic'ot ti pañimil, come an cab_Λ i diosob che' ja'el cab_Λ yum_Λlob,

⁶ pero ti lac tojlel an juntiquil jach Dios, jiñ_Λch lac Tat. Ya' ch'oyol pejtelel chuqui tac an. Tsi' meleyonla cha'an mi lac ñuq'uesan. An juntiquil jach lac Yum, jiñ_Λch Jesucristo. Ti' p'at_Λlel tsa' mejli pejtel chuqui tac an. Joñonla ja'el añonla cha'an Cristo.

⁷ Mach laj yujilobic i sujmllel jini t'an. Lamital mi' ch_Λn ña'tañob dioste' tac c'Λ_Λle w_Λle che' mi' c'uxob we'elal aq'uebil b_Λ dioste' tac. Come tile bixelob i pusic'al, mi' sojquelob che' mi' c'uxob.

⁸ Mach cha'anic we'elal mi' q'uelonla ti uts'at Dios. Mi woli lac tic' lac b_Λ ti' c'uxol, o mi woli laj c'ux, ma'anic mi' y_Λq'ueñonla lac wenlel ti' tojlel Dios.

⁹ Ch_Λc_Λ q'uele la' b_Λ ame la' w_Λc' ti yajlel jini mach b_Λ xuc'ulic i pusic'al che' an chuqui mi la' mel che' libre añetla.

¹⁰ Come mi tsi' q'ueleyet jini mach b_Λ xuc'ulic i pusic'al che' buchulet ti mesa ya' ti' templo dioste' tac, come a wujil uts'at jini we'elal, mi caj i ñijc_Λyel i pusic'al jini mach b_Λ xuc'ulic cha'an mi' c'ux chuqui tac aq'uebil dioste' tac, anquese mi' lon ña'tan mach uts'atic.

¹¹ Che' jini cha'an ti a ña't_Λbal mi caj i sajtel jini winic. Cristo tsa' ch_Λmi cha'an jini winic.

¹² Che' jini ma' cha'len mulil ti' contra jini her-

manojob. Che' ma' w_ΛC' ti asiye*l* i pusic'al jini mach b_Λ xuc'ulic i pusic'al, ma' cha'len mulil ti' contra Cristo.

¹³ Mi cha'an jach we'el_Λl mi' y_Δjq'uel ti yajlel quermano, ma'anic mi caj j c'ux we'el_Λl ti pejtelel ora ame mi c_ΛC' ti yajlel quermano.

9

Jini mu' b_Λ mejlel i c'ajtin apóstol

¹ ¿Mach ba apóstolonic? ¿Mach ba librejonnic? ¿Mach ba tsa'ic j q'uele Jesús lac Yum? ¿Mach ba jateticla que'tel ti lac Yum?

² Mi an majch mi' y_Δlob mach apóstolonic, mach che'ic jatetla come i sellojleletla que'tel ti lac Yum.

³ Mic subeñob jini mu' b_Λ i c'ajtibeñob:

⁴ ¿Mach ba mejlic c_Λq'uentel lojon chuqui mij c'ux lojon yic'ot chuqui mic jap lojon?

⁵ Che' an quijñam lojon, ¿mach ba mejlic c p_Δy lojon majlel quic'ot che' bajche' mi' melob yaño' b_Λ apóstolob yic'ot i yijts'iñob lac Yum yic'ot Pedro?

⁶ Cojach joñon quic'ot Bernabé, ¿mach ba mejlic j c_Δy lojon c mel yamb_Λ e'tel che' woliyon lojon ti subt'an?

⁷ ¿Am ba juntiquil soldado mu' b_Λ i cha'len e'tel ti' bajñel taq'uin? Jini mu' b_Λ i p_ΛC' ts'usubil, ¿mach ba anic mi' c'uxben i wut? Jini mu' b_Λ i c_Λntan i y_Δlac', ¿mach ba anic mi' japben i leche?

⁸ ¿Jim ba i t'an jach winicob mu' b_Λ c sub? ¿Mach ba che'ic mi' y_Δl jini mandar ja'el?

⁹ Come ts'ijbubil ti' mandar Moisés: “Mach a c_Λchben i eyj tat wacax mu' b_Λ i t'ucht_Δben loq'uel i wut trigo”. ¿Cojach ba tat wacax mi' c_Λntan Dios?

10 ¿Mach ba wolic i c_Λantañonla? Jini cha'an tsa' ts'ijbubentiyonla ili t'an: "Jini mu' b_Λ i top' lum, la' i pijtan jini mu' b_Λ caj ti colel. Jini mu' b_Λ i jats' loq'uel i wut trigo an i pijtaya cha'an mi caj i y_Λq'uentel lamital i wut".

11 Mi tsa'ix j c_Λantesayetla cha'an mi la' p'_Λt'an, ¿mach ba yomic mi la' w_Λq'ueñon lojon ts'ita' la' chub_Λ'an?

12 Mi tsa' la' w_Λq'ueyob yaño' b_Λ ¿mach ba ñumen la' wentajic cha'an mi la' w_Λq'ueñon lojon? Ma'anic tsaj c'ajtibeyet lojon, come mij cuch lojon chuqui tac wocol ame mic m_Λc_Λt_Λben lojon i wen t'an Cristo.

13 ¿Mach ba la' wujilic? Jini mu' b_Λ i cha'leñob e'tel ti templo mi' c'uxob jini ac'bil b_Λ ti templo. Jini mu' b_Λ i y_Λq'ueñob i majtan Dios ya' ti pul_Λntib mi' c'uxob chuqui ac'bil ya'i.

14 Che' ja'el tsi' y_Λc'_Λ mandar lac Yum cha'an mi' y_Λq'uentelob jini subt'añob pejtelel chuqui tac yom cha'an i b_Λc'tal, come mi' subob jini wen t'an.

15 Pero ma'anic tsaj c'ajtibeyetla chuqui yom tic tojlel anquese an que'tel. Ma'anic mic ts'ijban jini jun cha'an mi la' w_Λq'ueñon chuqui yom cha'an c b_Λc'tal, ame jilic c ñuclel ti jini wen t'an. Ñumen uts'at mi tsa' ch_Λmiyon.

16 Anquese mic sub jini wen t'an, mach mejlic c sub c b_Λ ti ñuc, come wersa ñijc_Λbil c pusic'al cha'an mic sub jini wen t'an. Mi caj c taj wocol mi ma'anic mic sub.

17 Mi ti pejtelel c pusic'al mic sub, an c chobejt_Λbal. Mi mach comic c sub jiñ_Λch c sajtemal, come tsa' aq'uentiyon jini e'tel.

18 ¿Chuqui c chobejtΛbal che' jini? Che' mic sub jini wen t'an, jiñΛch c chobejtΛbal che' mic sub i t'an Cristo ti chejachi. Jini cha'an ma'anic mij c'ajtin c tojol cha'an jini wen t'an.

19 Jini cha'an ma'anic winic mu' bΛ c yuman. Tic bajñel pusic'al tsa'ix cΛc'Λ c bΛ ti x'e'tel i cha'an pejtelel winicob cha'an mi' ñopob cabΛlob.

20 Ti' tojlel israelob lajal mic mel c bΛ bajche' israelob cha'an mi' ñopob. Ti' tojlel gentilob mu' bΛ i jac'ob mandar (anquese mach chΛn cΛchΛlonix ti jini mandar), lajal mic mel c bΛ bajche' jini mu' bΛ i jac'ob mandar, cha'an mi' ñopob.

21 Ti' tojlel winicob mach bΛ anic mi' cΛñob Dios lajal mic mel c bΛ bajche' jini mach bΛ anic mi' cΛñob Dios, cha'an mi' ñopob. (Pero ti pejtelel c pusic'al wolic jac'ben i mandar Cristo.)

22 Ti' tojlel winicob mach bΛ xuc'ulic mi' ñopob, mi cajñel bajche' juntiquil mach bΛ p'ΛtΛlic cha'an mi' ñopob jini mach bΛ añobic i p'ΛtΛlel. Lajal mic mel c bΛ bajche' pejtelel winicob cha'an mij coltañob che' bajche' jaytiquil mi' mejlel.

23 Che'Λch mic mel cha'an mi' cΛñob jini wen t'an, cha'an mic taj c wenlel ja'el ti jini wen t'an quic'ot jini mu' bΛ i ñopob.

24 ¿Mach ba la' wujilic? Jini mu' bΛ i cha'leñob ajñel ti' tojlel xq'uelojelob mi' cha'leñob ajñel ti pejtelelob, pero cojach juntiquil mi' taj i majtan. Cha'lenla ajñel jatetla che' bajche' jini mu' bΛ i taj i majtan.

25 Pejtelel mu' bΛ i cha'leñob ajñel mi' bajñel cΛntañob i bΛ cha'an mi' yΛq'uentelob i corona mu' bΛ i jilel. Joñonla mi laj cΛntan lac bΛ cha'an mi la cΛq'uentel corona mach bΛ anic mi' jilel.

²⁶ Jini cha'an mic cha'len ajñel che' bajche' jun-tiquil yujil b_Λ baqui mi' majlel. Ma'anic mic cha'len cujoñel che' bajche' winic t'uchlaw bexlaw i c'_Λb.

²⁷ Mic tic' c b_Λc'tal cha'an mi' wersa jac'beñon, ame mic chilbentel j c'_Λjñibal che' b_Λ tsa'ix c sube-yob winicob jini wen t'an.

10

Tic'ojel cha'an i ch'ujutes_Λntel dioste'

¹ Hermanojob, mach comic mi' ñaj_Λyel ti la' pusic'al bajche' tsa' ajniyob pejtelel lac ñojte'el che' b_Λ tsi' toj'esayob majlel Dios ti total. Ti pejtelelob tsa' ñumiyob majlel ti ojilil colem ñajb.

² Ti pejtelelob tsa' aq'uentiyob ch'_Λmja' yilal ti total yic'ot ti colem ñajb che' b_Λ tsi' y_Λc'_Λyob i b_Λ ti' wenta Moisés.

³⁻⁴ Ti pejtelelob tsi' c'uxuyob jini jach b_Λ we'el_Λl yic'ot ja' aq'uebilo' b_Λ ti Dios. Tsa' loq'ui i ya'al ti jini Xajlel ac'bil b_Λ ti Dios. Jini Xajlel tsa' b_Λ i pi'leyob majlel jiñach Cristo.

⁵ Pero cabal lac ñojte'el mach uts'atobic ti' wut Dios. Jini cha'an tsa' jis_Λntiyob ti colem b_Λ i tiquiñal pañimil.

⁶ Che'_Λch tsa' ujt_i cha'an lac tic'ol cha'an ma'anic mi lac mulan jontolil che' bajche' tsi' mulayob.

⁷ Mach la' ch'ujutesan dioste' tac che' bajche' yaño' b_Λ, come ts'ijbubil: “Jini winicob x'ixicob tsa' buchleyob cha'an mi' cha'leñob we'el uch'el. Tsa' ch'ojyiyob ti son”, che'en.

⁸ Mach yomic mi la' cha'len ts'i'lel che' bajche' tsi' cha'leyob lamital. Tsa' ch_Λmiyob uxp'ejl i cha'c'al ti mil ti jump'ejl jach q'uin.

9 Mach yomic mi la quilben i pusic'al lac Yum che' bajche' tsi' cha'leyob lamital. Tsa' jisantiyob ti lucum tac.

10 Mach la' cha'len wulwul t'an ti la' pusic'al che' bajche' tsi' cha'leyob jini tsa' b_Λ jisantiyob cha'an jini Angel yujil b_Λ tsansa.

11 Che'ach tsa' ujtiyob cha'an laj cantesantel. Tsa' ts'ijbunti cha'an lac tic'ol joñonla cuxulonto b_Λ la ti ili ora che' lac'lix i jilibal.

12 Jini cha'an jini mu' b_Λ i q'uel i b_Λ ti xuc'ul, la' i cantan i b_Λ ame yajlic.

13 Ma'anic mi junchajpic la' p_Λyol ti mulil mach b_Λ anic tsi' yubiyob yaño' b_Λ. Xuc'ul i pusic'al Dios. Ma'anic mi' y_Λq'ueñetla la' taj la' p_Λyol ti mulil mach b_Λ mejlic la' cuch. Che' mi la' p_Λyel ti mulil, Dios mi' y_Λq'ueñetla la' p'_Λtal_Λel cha'an mi la' cuch. Che' jini mi mejlel la' loq'uel ba' p_Λybilet ti mulil.

Jini ch'ujul b_Λ waj

14 Jini cha'an c'uxbibilet b_Λ la, mach yomic mi la' ch'ujutesan dioste' tac.

15 Che'ach mic pejcañetla, come mi la' ña'tan pañimil. Ña'tanla bajche' yom mi la' jac'.

16 Che' mi lac tem ch'_Λm jini vaso che' mi lac suben Dios wocolix i y_Λl_Λ, ¿mach ba wolic lac tem taj lac wenlel ti' ch'ich'el Cristo? Che' mi lac tem c'ux jini waj mu' b_Λ lac xut', ¿mach ba wolic lac tem taj lac wenlel ti' b_Λc'tal Cristo?

17 Anquese cablonla, lajalonla bajche' junq'uejl waj. Jump'ejl i b_Λc'talonla Cristo, come ti pejtelelonla mi laj c'ux jini junq'uejl waj.

18 Ña'tanla bajche' mi' melob israelob. Jini mu' b_Λ i c'uxob jini we'elal mu' b_Λ i y_Λq'ueñob Dios ti'

majtan, ¿mach ba muq'ueic i tem tajob i wenlel ti' tojlel pulantib?

¹⁹ ¿Chuqui i sujmllel c t'an, che' jini? ¿Am ba i c'ajñibal dioste' tac? ¿Am ba i c'ajñibal jini aq'uebil b_Λ dioste' tac? Ma'anic.

²⁰ Pero jini sajtemo' b_Λ, che' mi' y_Λc'ob i majtan ti pulantib, woli' y_Λq'ueñob xibajob. Ma'anic mi' y_Λq'ueñob Dios. Mach comic mi la' tem ajñel yic'ot xibajob.

²¹ Mach mejlic mi la' jap ti' vaso lac Yum mi woli la' jap ti' vaso xibajob. Mach mejlic la' c'ux waj ti' mesa lac Yum mi woli la' c'ux waj ti' mesa xibajob.

²² ¿Mu' ba lac techben i mich'ajel lac Yum? ¿Ñumen p'atlon ba la bajche' lac Yum?

Melela chuqui tac wen cha'an mi' tsictiyel i ñucl Dios

²³ Pejtelel jini la com b_Λ lac mel mi mejlel lac mel, pero mach uts'atic mi tsa' lac mele ti pejtelel. Come ma'anic i c'ajñibal ti pejtelel cha'an mi' xuc'chocoñonla.

²⁴ Mach i lon saclan i bajñel wenlel mi juntiquilic. La' i ña'tan i wenlel yaño' b_Λ.

²⁵ C'uxula jini mu' b_Λ i choñob ti choño' we'el_Λ. Mach la' c'ajtibeñob mi aq'uebilix dioste' tac ame tejchic t'an ti la' pusic'al.

²⁶ Come i cha'an lac Yum jini lum yic'ot pejtelel i b_Λ.

²⁷ Mi tsi' p_Λy_Λyetla ti' yotot jini mach b_Λ wolic i ñop Dios, cucula mi la' wom majlel. C'uxula chuqui tac mi' y_Λq'ueñetla. Mach la' c'ajtiben mi aq'uebil dioste' tac ame tejchic t'an ti la' pusic'al.

28 Mi an majch mi' subeñetla: Tsa'ix aq'uenti dioste' tac, mi che'en, mach mi la' c'ux ame tejchic t'an ti' pusic'al jini tsa' b_Λ i subeyetla,

29 ame cajic ti t'an i pusic'al, mach a pusic'alic. ¿Chucoch mi' q'uejlel ti mulil jini mu' b_Λ c mel ti jump'ejl c pusic'al che' woli ti t'an i pusic'al yamb_Λ?

30 Mi tsaj c'uxu ti' yutsllel c pusic'al, ¿chucoch mij q'uejlel ti xmulil cha'an jini tsa' b_Λ j c'uxu che' b_Λ tsac sube Dios wocolix i y_ΛΛ?

31 Mi an chuqui mi la' c'ux, che' jini, mi an chuqui mi la' jap, mi an yamb_Λ chuqui mi la' cha'len, cha'lenla ti pejtelel cha'an mi' tsictiyel i ñucllel Dios.

32 Mach mi la' w_Λc' ti yajlel judíojob, mi gentilob, mi xñopt'añob i cha'año' b_Λ Dios.

33 Joñon ja'el wolic ñop c mel chuqui uts'at ti' wut pejtelel winicob ti pejtelel chuqui mic mel. Ma'anic mic s_Λclan c bajñel wenlel. Mic s_Λclan i wenlel yaño' b_Λ cha'an mi' colt_Λntelob cab_Λlob.

11

Uts'at b_Λ ti' tojlel x'ixicob

1 Melela che' bajche'on. Joñon ja'el mic mel che' bajche' Cristo.

2 Hermanojob mic sub uts'at woli la' mel, come c'ajalon la' cha'an. Woli la' ch_Λn jac' jini c_Λntesa che' bajche' tsaj c_Λntesayetla.

3 Com mi la' ña'tan, i Yum pejtelel winicob jiñ_Λch Cristo. I yum x'ixic jiñ_Λch winic. I yum Cristo jiñ_Λch Dios.

4 Mi mosol i jol winic che' mi' pejcan Dios o che' mi' cha'len subt'an, woli' ts'a'len i yum.

⁵ Che' mach mosolic i jol x'ixic woli b^Λ ti oración yic'ot subt'an mi' ts'a'len i yum, come lajal yilal mi tsa' jujchinti i jol.

⁶ Mi ma'anic mi' mos i jol x'ixic, la' laj sejt'ic i jol. Mi quisintic mi' yubin che' set'bil i jol yic'ot che' jujchibil, la' i mos i jol.

⁷ Mach wenic mi tsi' moso i jol winic, come jiñ^Λch i yejtal Dios yic'ot i ñuclel Dios. Jini x'ixic i ñuclel^Λch winic.

⁸ Come mach loq'uemic winic ti x'ixic, pero loq'uem x'ixic ti winic.

⁹ Come Dios ma'anic tsi' mele winic cha'an i wenlel x'ixic. Tsi' mele x'ixic cha'an i wenlel winic.

¹⁰ Jini cha'an la' tsictiyic ti' jol x'ixic i yejtal i p'^Λt^Λlel winic, come woli' q'uelob jini ángelob.

¹¹ Ti lac Yum c^Λy^Λl x'ixic ti winic, c^Λy^Λl winic ti x'ixic.

¹² Come loq'uem x'ixic ti winic, che' ja'el winic tilem ti x'ixic. Ti' cha'ticlelob tilemob ti Dios.

¹³ Ña'tanla jatetla bajche' yom. ¿I t'ojol ba mi' pejcan Dios x'ixic che' mach mosolic i jol?

¹⁴ ¿Mach ba anic mi' c^Λntesañetla la' bajñel pusic'al, mach i t'ojolic che' tam i jol winic?

¹⁵ Mach che'ic x'ixic. Mi tam i jol i t'ojoljax, come aq'uebil i tsutsel i jol cha'an i mosil.

¹⁶ Mi an majch mi' tech cab^Λl t'an mach che'ic mic mel lojon. Mach che'ic mi' melob xñopt'añob i cha'año' b^Λ Dios.

I Cena lac Yum

(Mt. 26.26-29; Mr. 14.22-25; Lc. 22.14-20)

¹⁷ Pero mic subeñetla mach wenic woli la' mel. Ma'anic mij q'ueletla ti uts'at. Come che' mi la'

tempan la' b_Λ ma'anic la' wenlel, pero leco mi la' wajñel.

18 Ñaxan tsa cubi woli la' t'ox la' b_Λ ti a'leya che' mi la' tempan la' b_Λ. Mi c_Λl isujm.

19 ¿Yom ba mi la' t'ox la' b_Λ ti a'leya cha'an mi' tsictiyel majqui wen ti la' tojlel?

20 Che' mi la' tempan la' b_Λ, mach jinic i Cena lac Yum mu' b_Λ la' c'ux.

21 Come che' mi la' c'ux ti jujuntiquiletla, mi la' se'ñun la' b_Λ cha'an mi la' bajñel ch'Λm la' waj. Juntiquil an i wi'ñal, yamb_Λ y_Λc.

22 ¿Mach ba anic la' wotot cha'an ya'i mi la' cha'len we'el uch'el? ¿Mu' ba la' ts'a'len jini xñopt'añob mu' b_Λ i tempañob i b_Λ? ¿Mu' ba la' w_Λc' ti quisin jini mach b_Λ añobic i b_Λ i ñ_Λc'? ¿Chuqui yom mic subeñetla? ¿Yom ba mic sub uts'at woli la' mel? Mach yomic. Mach uts'atic.

23 Come tsa'ix aq'uentiyon c sub i sujmllel i Cena lac Yum che' bajche' tsaj c_Λntesayetla. Lac Yum Jesús tsi' ch'Λm_Λ waj ti jini jach b_Λ ac'Δlel che' b_Λ tsa' ajq'ui ti' c'Λb i contra.

24 Che' b_Λ tsa' ujt i suben wocolix i y_ΛΛ Dios, tsi' xut'u. Tsi' y_ΛΛ: “Ch'Λm_Λla, c'uxula, jiñach c b_Λc'tal mu' b_Λ i xujt'el cha'añetla. Che'Λch yom mi la' cha'len cha'an mi la' ña'tañon”. Che' tsi' y_ΛΛ.

25 Che' ja'el, tsi' ch'Λm_Λ vaso che' b_Λ tsa' ujt i we'el. Tsi' y_ΛΛ: “Jini vaso jiñach i yejtal jini tsijib xuc'ul b_Λ t'an wa'chocobil b_Λ tic ch'ich'el. Che'Λch yom mi la' cha'len ti jujunyajl che' mi la' jap cha'an mi la' ña'tañon”, che'en.

26 Come ti jujunyajl che' mi la' c'ux jini waj, che' mi la' jap ti jini vaso, mi la' w_Λc' ti tsictiyel bajche' tsa' ch_Λmi lac Yum c'Λl_Λ mi' cha' tilel.

27 Jini cha'an jini mach b_Λ wenic bajche' mi' c'ux jini waj yic'ot bajche' mi' jap ti' vaso lac Yum, an i mul, come mi' ts'a'len i b_Λc'tal yic'ot i ch'ich'el lac Yum.

28 Ti jujuntiquil la' i bajñel ña'tan bajche' an i pusic'al. Che' jini, la' i c'ux jini waj, la' i jap ti jini vaso.

29 Come jini mach b_Λ wenic mi' c'ux mi' jap, woli' p_Λy i wocol come ma'anic mi' ña'tan i b_Λc'tal lac Yum che' mi' c'ux che' mi' jap.

30 Jini cha'an an cab_Λl c'amo' b_Λ ba' añetla, cab_Λl c'uño' b_Λ. Lamital ch_Λmeñob.

31 Tsa'ic lac ñaxan mele lac b_Λ, ma'anic tsa' aq'uentiyonla wocol.

32 Pero che' mi la c_Λq'uentel wocol, lac Yum woli' ju's_Λb_Λeñonla lac pusic'al cha'an ma'anic mi la cochel ti toj mulil yic'ot i cha'año' b_Λ pañimil.

33 Jini cha'an quermanojob, che' mi la' tempan la' b_Λ cha'an mi la' c'ux waj, pijtan la' b_Λ.

34 Mi an i wi'ñal juntiquil, la' i c'ux i waj ti' yotot, cha'an ma'anic mi la' w_Λq'uentel wocol cha'an chuqui woli la' mel che' mi la' tempan la' b_Λ. Mi an yamb_Λ wocol ti la' tojlel mi caj c subeñetla bajche' yom mi la' toj'esan ba' ora mij c'otel.

12

Laj c'ajñibal mu' b_Λ i y_Λq'ueñonla jini Espíritu

1 Hermanojob, com mi la' ña'tan i sujmler laj c'ajñibal tsa' b_Λ aq'uentiyonla ti jini Espíritu.

2 La' wujil che' sajtemetla tsa' p_Λjyiyetla majlel ba'an x'uma' dios tac, bajche' jach tsa' ñijc_Λantiyetla.

³ Jini cha'an mic subeñetla mach cantesabilic ti' yEspíritu Dios majqui jach mi' yal chocol ti Dios jini Jesús. Cojach jini cantesabil bΛ ti Ch'ujul bΛ Espiritu mi mejlel i pejcan Jesús ti' Yum.

⁴ Ti chajp ti chajp an laj c'ajñibal tsa' bΛ aq'uentiyonla, pero juntiquil jach Espiritu.

⁵ Ti chajp ti chajp an la que'tel, pero juntiquil jach lac Yum.

⁶ Ti chajp ti chajp an lac melbal, pero juntiquil jach Dios mu' bΛ i ñijcañonla ti lac pejtelel.

⁷ Ti jujuntiquilonla aq'uebilonla laj c'ajñibal ti jini Espiritu cha'an i wenlel pejtelelob.

⁸ Come juntiquil mi' yΛq'uentel cabal i ña'tabal cha'an jini Espiritu cha'an mi' sub i sujmllel jini t'an. YambΛ mi' yΛq'uentel cabal i ña'tabal cha'an jini jach bΛ Espiritu cha'an mi' cha'len cantesa.

⁹ YambΛ mi' yΛq'uentel i ñop Dios ti wen xuc'ul cha'an jini jach bΛ Espiritu. YambΛ mi' yΛq'uentel i c'ajñibal ti lajmesaya cha'an jini jach bΛ Espiritu.

¹⁰ YambΛ mi' yΛq'uentel i pas i yejtal i p'atlel Dios. YambΛ mi' yΛq'uentel i c'ajñibal ti subt'an. YambΛ mi' yΛq'uentel i can mi wen o mi jontol jini espíritujob. YambΛ mi' yΛq'uentel i cha'len t'an ti yan tac bΛ t'an. YambΛ mi' yΛq'uentel i ñusan i sujmllel yan tac bΛ t'an.

¹¹ Jini juntiquil jach bΛ Espiritu mi' yΛq'ueñonla lac mel pejtelel ili tac. Ti chajp ti chajp mi' yΛq'ueñob i c'ajñibal winicob x'ixicob ti jujuntiquil che' bajche' yom Dios.

12 An cabal chucbil tac ba ti lac bac'tal, pero jump'ejl jach lac bac'tal. Che'ach ja'el i bac'tal Cristo yic'ot xñopt'añob.

13 Come juntiquil jach jini Espíritu. Che' bajche' ti ch'amja' tsi' tem otsayonla ti jump'ejl jach i bac'tal Cristo, mi judío, mi griego, mi jini am ba ti' yum, mi jini mach ba anic ti' yum. Tsa' aq'uentiyonla lac ch'am jini jach ba Espíritu.

14 Come jini lac bac'tal mach junchajpic jach chuqui chucbil pero cabalach.

15 Jini la coc, mi tsi' yala mach i cha'anic lac bac'tal come mach c'abalic, ¿mach ba i cha'anic lac bac'tal che' jini?

16 Jini lac chiquin, mi tsi' yala mach i cha'anic lac bac'tal come mach wutalic, ¿mach ba i cha'anic lac bac'tal che' jini?

17 Mi ti pejtelel lac bac'tal to'o lac wut jach an, ¿bajche' mi la cubin t'an che' jini? Mi ti pejtelel lac bac'tal to'o lac chiquin jach an, ¿bajche' mi mejlel lac sic'?

18 Ti chajp ti chajp tsi' tempa Dios jini chucul tac ba ti lac bac'tal che' bajche' yom i pusic'al.

19 Mi to'ol c'abal jach pejtelel lac bac'tal, ¿bajche' an lac bac'tal che' jini?

20 Pero isujm an cabal chucul tac ba ti lac bac'tal anquese jump'ejl jach lac bac'tal.

21 Jini lac wut mach mejlic i suben laj c'ab ma'anic i c'ajñibal. Che' ja'el lac jol mach mejlic i suben la coc ma'anic i c'ajñibal.

22 Pero jini chucul tac ba ti lac bac'tal mach ba p'atalic yilal, ñumen an i c'ajñibal.

23 Jini chucul tac ba ti lac bac'tal mach ba yoque uts'atic mi laj q'uel, ñumen mi la calq'uen i t'ojlawib.

Jini mach b_Λ i t'ojolic ti q'uelol mi lac mos ti pisil.

²⁴ Jini i t'ojol b_Λ ti q'uelol ma'anic chuqui yom mi' y_Λq'uentel. Che' b_Λ tsi' tempa lac b_Λc'tal Dios, tsi' y_Λq'ue ñumen i c'Λjñibal jini mach b_Λ ñuquic ti q'uelol.

²⁵ Che' jini, ma'anic mi' contrajiñob i b_Λ jini chucul tac b_Λ ti lac b_Λc'tal. Mi' tem c_Λntañob i b_Λ.

²⁶ Mi tsi' taja wocol jump'ejl chucul b_Λ ti lac b_Λc'tal, mi la cubin ti pejtelel lac b_Λc'tal. Mi tsi' taja i ñucllel, tijicña mi la cubin ti pejtelel lac b_Λc'tal.

²⁷ Jatetla i b_Λc'taletla Cristo. Jatetla miembro-jetla ti' b_Λc'tal Cristo.

²⁸ Dios tsi' wa'chocoyonla ti' tojlel xñopt'añob, ñaxan jini apóstolob, wi'il subt'añob, wi'il xc_Λntesajob, wi'il jini mu' b_Λ i p_Λsob i yejtal i p'Λ_Λlel Dios, yic'ot jini am b_Λ i c'Λjñibal ti ts'Λcaya, yic'ot jini am b_Λ i c'Λjñibal ti coltaya, yic'ot jini am b_Λ i ye'tel ti yum_Λ, yic'ot jini mu' b_Λ i cha'leñob t'an ti yan tac b_Λ t'an.

²⁹ ¿Apóstolob ba ti pejtelel? ¿Subt'añob ba ti pe-jtelelob? ¿Xc_Λntesajob ba ti pejtelelob? ¿Mu' ba i p_Λsob i yejtal i p'Λ_Λlel Dios ti pejtelelob?

³⁰ ¿Am ba i c'Λjñibal ti ts'Λcaya ti pejtelelob? ¿Mu' ba i cha'leñob t'an ti yan tac b_Λ t'an ti pejtelelob? ¿Mu' ba i ñusañob i sujmllel yan tac b_Λ t'an ti pe-jtelelob?

³¹ Pero cha'lenla wersa la' taj jini ñumen wen b_Λ la' c'Λjñibal. Mi caj c p_Λsbeñetla w_Λle chuqui ñumen uts'at.

13

C'uxbiya

¹ Muq'uic c cha'len t'an ti' t'an tac winicob yic'ot ti' t'an ángelob, mi ma'anic j c'uxbiya, tsintsiñayon bajche' tsucu taq'uin. Lajalon bajche' tsucu taq'uin mu' b_Λ i cujt_Λ.

² Anic j c'ajñibal ti subt'an yic'ot c ña't_Λbal ti pejtelel i sujmllel mach b_Λ tsictiyemic ti yamb_Λ ora, yic'ot pejtelel chuqui tac ña't_Λbil ti pañimil, muq'uic c ñop Dios ti xuc'ul b_Λ c pusic'al cha'an mic tats' wits, pero mi ma'anic j c'uxbiya, ma'anic j c'ajñibal.

³ Muq'uic c laj pucbeñob c chub_Λ'an cha'an mic we'san jini mach b_Λ añobic i b_Λl i ñac', muq'uic c_Λc' c b_Λ ti pulel cha'an mij coltañob, mi ma'anic j c'uxbiya, ma'anic chuqui mic taj.

⁴ Jini yujil b_Λ c'uxbiya jal mi' cuchben i mul yaño' b_Λ, wen uts i pusic'al. Jini yujil b_Λ c'uxbiya mach ts_Λyts_Λyñayic i pusic'al che' mi' q'uel i wenlel i pi'lob. Ma'anic mi' sub i b_Λ ti ñuc. Ma'anic mi' mel i b_Λ ti chan ti' tojlel i pi'lob.

⁵ Jini yujil b_Λ c'uxbiya mach lecojic i melbal. Ma'anic mi' sajcan chuqui yom ti' bajñel pusic'al. Ma'anic mi' b_Λc' mich'an, ma'anic mi' lot ti' pusic'al i contrajintel.

⁶ Mach tijicñayic mi' yubin che' mi' tic'l_Λntel jini toj b_Λ. Tijicña mi' yubin che' uts'at mi' loq'uel jini toj b_Λ.

⁷ Mi' ñusan pejtél wocol, mi' ñop pejtelel chuqui tac isujm, mi' cha'len pijtaya ti' xuc't_Λlel i pusic'al, mi' ñusan ti uts'at pejtelel chuqui tac mi' yujtel.

⁸ Mach jilic i c'uxbiya ti pejtelel ora. Mi' caj ti ujtél i c'ajñibal subt'an. Mi' caj ti jilél yan tac b_Λ t'an. Mi caj i jilél i ña't_Λbal pañimil.

9 Come mach laj cΛmbilic lac cha'an. Mach ts'ΛcΛlic mi lac tsictesan ti subt'an.

10 Che' mi' tilel jini ts'ΛcΛl bΛ, mi' caj ti jilel jini mach bΛ ts'ΛcΛlic.

11 Che' alobon to tsac cha'le t'an che' bajche' alob. Tsac ña'ta che' bajche' alob. Tsac ch'Λmbe isujm che' bajche' alob. Che' bΛ tsa' ochiyon ti winic, tsaj cΛyΛ c mel che' bajche' alob.

12 Come wΛle mi lac yΛxña q'uel Cristo che' bajche' ti espejo. Pero che' mi' tilel mi caj laj q'uelben i wut. WΛle wolic yΛxña cΛn, pero ti wi'il bΛ ora mi caj c wen cΛn che' bajche' Dios mi' cΛñon.

13 WΛle anto lac cha'an uxchajp: lac ñopbal, lac pijtaya yic'ot laj c'uxbiya. Pero jini ñumen ñuc bΛ jiñΛch c'uxbiya.

14

Jini mu' bΛ i cha'len t'an ti yan tac bΛ t'an

1 ChΛn cha'lenla c'uxbiya. Cha'lenla wersa cha'an mi la' taj la' c'Λjñibal ti jini Espíritu. Jini ñumen uts'at bΛ jiñΛch la' c'Λjñibal ti subt'an.

2 Come jini mu' bΛ i cha'len t'an ti yan tac bΛ t'an ma'anic mi' pejcan i pi'Λlob, cojach mi' pejcan Dios. Ma'anic mi' ch'Λmbeñob isujm winicob. Mi' sub i sujmllel Dios ti yambΛ t'an ti Espíritu.

3 Jini mu' bΛ i cha'len subt'an mi' xuc'chocobeñob i pusic'al winicob. Mi' xic'ob ti' melol chuqui uts'at. Mi' ñuq'uesΛbeñob i pusic'al.

4 Jini mu' bΛ i cha'len t'an ti yan tac bΛ t'an mi' bajñel xuc'chocon i pusic'al. Jini mu' bΛ i cha'len subt'an mi' xuc'chocobeñob i pusic'al xñopt'añob mu' bΛ i tempañob i bΛ.

5 Uts'at mi ti pejteletla an la' c'ajñibal ti yan tac b_Λ t'an. Pero ñumen uts'at mi la' cha'len subt'an ti la' bajñel t'an. Come lolom jach yan tac b_Λ t'an mi ma'anic majch mi' ñus_Λbeñob i sujmllel cha'an mi' xuc'chocobeñob i pusic'al xñopt'añob. Che' jini ñumen an i c'ajñibal jini mu' b_Λ i cha'len subt'an bajche' jini mu' b_Λ i cha'len t'an ti yan tac b_Λ t'an.

6 W_Λle hermanojob, mi woliyon ti t'an ti yan tac b_Λ t'an che' mic tilel ba' añetla, ¿chuqui i c'ajñibal la' cha'an? Cojach an i c'ajñibal mi tsac subeyetla ti la' t'an jini tsa' b_Λ p_Λs Bentleyon, mi jini ña't_Λbil b_Λ c cha'an, mi jini wen t'an, o mi c_Λntesa.

7 Jini música tac ja'el, che' bajche' am_Λy yic'ot guitarra mach b_Λ cuxulic, mi mach y_Λñ_Λlic mi' loq'uel i t'an, ¿bajche' che' jini, mi' caj ti c_Λjñel chuqui woli ti wust_Λl ti am_Λy yic'ot chuqui woli ti ñijc_Λntel ti guitarra?

8 Mi mach uts'atic mi' loq'uel i t'an trompeta, ¿majqui mi caj i chajpan i b_Λ cha'an guerra?

9 Che' ja'el jatetla, che' mi la' cha'len t'an ti yamb_Λ t'an mach b_Λ anic mi' ch'_Λmbeñob isujm, ¿bajche' che' jini mi caj i ña'tañob chuqui mi la' w_Λl? Che' jini to'ol t'an jach woliyetla.

10 Isujm an cab_Λl yan tac b_Λ t'an ti pañimil. Ti jujunchajp an i sujmllel.

11 Mi ma'anic mic ch'_Λmbeñob isujm junchajp t'an, che'_Λch mi' q'uelon jini mu' b_Λ ti t'an bajche' junti-quil ch'oyol b_Λ ti yamb_Λ lum. Joñon ja'el mij q'uel jini winic mu' b_Λ ti t'an che' bajche' junti-quil ch'oyol b_Λ ti yamb_Λ lum.

12 Che' ja'el jatetla, come la' wom la' c'ajñibal mu' b_Λ i y_Λc' jini Espíritu, cha'lenla wersa la' taj cab_Λl la' c'ajñibal cha'an mi la' xuc'chocon jini xñopt'añob

mu' b_Λ i tempañob i b_Λ.

¹³ Jini cha'an jini mu' b_Λ i cha'len t'an ti yamb_Λ t'an la' i c'ajtiben Dios i ña't_Λbal cha'an mi' ñusan i sujml_Λ.

¹⁴ Mi wolic pejcan Dios ti yamb_Λ t'an mach b_Λ j c_Λñ_Λyic, wolic pejcan tic ch'ujlel jach, mach tic ña't_Λbalic.

¹⁵ ¿Bajche' yom che' jini? Mi caj c pejcan Dios tic ch'ujlel, mi caj c pejcan tic ña't_Λbal ja'el. Mi caj c cha'len c'ay tic ch'ujlel, mi caj c cha'len c'ay tic ña't_Λbal ja'el.

¹⁶ Come mi ti a ch'ujlel jach ma' ch'ujutesan Dios ti' tojlel jini mu' b_Λ i tilel i ñich'tan, ¿bajche' mi caj i y_Λl amén che' ma' suben Dios wocolix i y_Λl_Λ, mi ma'anic mi' ch'_Λmben isujm chuqui wola' w_Λl?

¹⁷ Isujm jatet ma' suben Dios wocolix i y_Λl_Λ ti uts'at, pero ma'anic mi' xuc'chocontel i pusic'al yamb_Λ.

¹⁸ Mic suben Dios wocolix i y_Λl_Λ, come ñumen mic cha'len t'an ti yan tac b_Λ t'an bajche' jatetla.

¹⁹ Uts'at mi c_Λl che' mic cha'len jo'p'ejl t'an yic'ot c ña't_Λbal cha'an mij c_Λntesan yaño' b_Λ. Mach uts'atic lujump'ejl mil t'an ti yamb_Λ t'an mach b_Λ yujilobic.

²⁰ Hermanojob, mach yomic lajal la' ña't_Λbal bajche' i ña't_Λbal alobob. Mach yomic jontoletla. Yom lajaletla bajche' al_Λlob. Yom lajal la' ña't_Λbal bajche' winicob año' b_Λ cab_Λl i pusic'al.

²¹ Ts'ijbubil: “Mi caj j c'_Λmben i yej yaño' b_Λ yic'ot yan tac b_Λ t'an cha'an mic pejcan ili winicob x'ixicob. Pero anquese che'_Λch mic pejcañob mach yomobic i yubibeñon c t'an”, che'en lac Yum.

22 Jini t'an tac mach b_Λ c_Λmbilic jiñ_Λch i yejtal i p'_Λt_Λlel Dios ti' tojlel jini mach b_Λ anic mi' ñopob Dios, mach ti' tojlelic jini mu' b_Λ i ñopob. Pero che' an majch mi' cha'len alt'an, an i c'_Λjñibal i cha'an jini mu' b_Λ i ñopob. Ma'anic i c'_Λjñibal i cha'an jini mach b_Λ anic mi' ñopob.

23 Che' mi la' tempan la' b_Λ xñopt'añet b_Λ la, mi ti jujuntiquiletla mi la' cha'len t'an ti yan tac b_Λ t'an, ¿chuqui mi caj i y_Λlob jini mach b_Λ c_Λntes_Λbilobic yic'ot jini mach b_Λ anic mi' ñopob? ¿Mach ba muq'uic caj i y_Λlob sojquem la' jol?

24 Che' mi' yochel juntiquil mach b_Λ anic mi' ñop, o mi juntiquil mach b_Λ c_Λntes_Λbilic, mi ti pejeteletla mi la' cha'len subt'an, che' jini mi' jec'bentel i pusic'al cha'an la' t'an ti la' pejtelel. Mi caj i ña'tan xmulil_Λch.

25 Mi' caj ti tsictiyel jini mucul tac b_Λ ti' pusic'al. Jini cha'an mi caj i p_Λcchocon i b_Λ cha'an mi' ch'ujutesan Dios. Mi caj i y_Λ: Ya'an Dios la' wic'ot ti isujm, che'en.

Tojyom jini ch'ujutesaya

26 ¿Bajche' yom, che' jini, hermanojob? Che' mi la' tempan la' b_Λ, juntiquil an i salmo, yamb_Λ an i c_Λntes_Λbal, yamb_Λ mi' cha'len t'an ti yamb_Λ t'an, yamb_Λ mi' y_Λq'uentel chuqui mi' p_Λs, yamb_Λ mi' ñusan i sujmllel jini yan tac b_Λ t'an. La' mejlic ti pejtelel cha'an mi la' xuc'chocon la' b_Λ.

27 Mi an mu' b_Λ i cha'leñob t'an ti yan tac b_Λ t'an jas_Λl cha'tiquil uxtiquil. Mach yomic i ñumel ti uxtiquil. Belecña yom mi' subob. La' i ñusan i sujmllel juntiquil.

28 Mi ma'anic majch mi mejlel i ñusan i sujmllel jini t'an, mach i cha'len t'an ti yamb Δ t'an ba' mi' tempañob i b Δ . La' i bajñel pejcan Dios.

29 Che' ja'el la' i cha'leñob subt'an cha'tiquil ux-tiquil jach. Jini yaño' b Δ la' i yubiñob mi toj.

30 Mi an juntiquil buchul b Δ mu' b Δ i y Δ q'uentel chuqui mi caj i sub, la' i c Δ y i t'an jini ñaxan b Δ .

31 Come ti pejteletla mi mejlel la' q'uex la' b Δ ti subt'an cha'an mi la' c Δ ntesan la' b Δ ti pejtelel yic'ot cha'an mi la' xic' la' b Δ ti uts'at.

32 Jini aq'uebil b Δ jump'ejl t'an ti Dios mi mejlel i yujtesan i sub, o mi mejlel i poj c Δ y cha'an mi' sub yamb Δ .

33 Come Dios ma'anic mi' mulan jini ju'ucña b Δ , cojach ñ Δ ch' Δ l b Δ baqui jach mi' tempañob i b Δ i cha'año' b Δ Dios.

34 La' ajnicob ti ñ Δ ch' Δ l jini x'ixicob che' mi' tempañob i b Δ xñopt'añob. Come tic'bilob ti t'an. Yom mi' jac'ob i c Δ ntes Δ ntel che' bajche' mi' y Δ l jini mandar.

35 Mi an chuqui yomob i ñop jini x'ixicob, la' i c'ajtibeñob i ñoxi'al ti' yotot. Come quisintic jax che' mi' cha'leñob t'an x'ixicob ba' mi' tempañob i b Δ xñopt'añob.

36 C Δ x Δ ti mi ya'ic tsa' tejchi i t'an Dios ba' añetla. C Δ x Δ ti mi ya'ic jach tsa' c'oti i t'an ya' ba' añetla.

37 Mi an majch mi' sub i b Δ ti subt'an mu' b Δ i jac'ben jini Espíritu, la' i ña'tan jiñ Δ ch i mandar lac Yum tsa' b Δ c ts'ijbubeyetla.

38 Mi an juntiquil mach b Δ yomic i jac', mach la' jac'ben i t'an ja'el.

39 Jini cha'an hermanojob, cha'lenla wersa la' taj la' c' Δ jñibal ti subt'an. Mach la' tic' jini mu' b Δ i

cha'leñob t'an ti yan tac b_Λ t'an.

⁴⁰ Ti pejtelel chuqui tac mi la' cha'len, tem melela che' bajche' yom.

15

Tsa' tejchi ch'ojoyel Cristo

¹ Mic subeñetla ja'el hermanojob, jiñ_Λch jini wen t'an tsa' b_Λ c subeyetla, tsa'ix b_Λ la' ñopo, woli b_Λ la' ch_Λn ñop.

² Mi woli la' ch_Λn ña'tan jini t'an tsa' b_Λ c subeyetla, colt_Λbiletixla, mi isujm tsa' la' ñopo che' b_Λ tsa' la' subu la' b_Λ ti hermano.

³ Come tsaj c_Λntesayetla jini jach b_Λ t'an tsa' b_Λ aq'uentiyon. Tsa' ch_Λmi Cristo cha'an lac mul, che' bajche' mi' y_Λl ti' Ts'ijbujel Dios.

⁴ Tsa' mujqui. Ti yuxp'ejlel q'uin tsa' cha' ch'ojoyi che' bajche' mi' y_Λl ti' Ts'ijbujel Dios.

⁵ Tsa' tsictiyi ti' wut Pedro, wi'il ti' wut jini la-jch_Λntiquil.

⁶ Wi'il tsa' tsictiyi ti' wut ñumen ti jo'c'al i cha'bajc' hermanojob che' temel añob. Cuxulob to cab_Λl jini hermanojob, ojilil tsa' ch_Λmiyob.

⁷ Wi'il tsa' tsictiyi ti' wut Jacobo, wi'il ti' wut pejtelel apóstolob.

⁸ Wi'ilix tsa' tsictiyi tic wut ja'el. Che' _Λch añon bajche' juntiquil tsa' b_Λ i yila pañimil che' ñumenix i yorajlel.

⁹ Come joñon mach lajalic c ñuclél yic'ot yaño' b_Λ apóstolob. Mach uts'atonic che' b_Λ tsa' p_Λjyiyon ti apóstol, come tsac tic'la xñopt'añob i cha'an Dios.

¹⁰ Pero w_Λle apóstolon cha'an ti' yutslel i pusic'al Dios. Mach lolomic jach tsa' aq'uentiyon i yutslel i

pusic'al Dios. Ñumen cab^Λ tsac cha'le e'tel bajche' pejtelel yaño' b^Λ, pero mach joñonic, jiñach i yut-slel i pusic'al Dios am b^Λ quic'ot.

¹¹ Tic pejtelel lojon, mi joñon o mi yaño' b^Λ, mic sub lojon jini wen t'an, jini jach b^Λ tsa' b^Λ la' ñop.

Mi caj i tejchelob ch'ojoyel ch^Λmeño' b^Λ

¹² Mi wolic sub lojon tsa'ix tejchi ch'ojoyel Cristo, ¿chucoch mi' lon alob cha'tiquil uxtiquil ya' ba' añetla ma'anic mi' ch'ojoyelob jini ch^Λmeño' b^Λ?

¹³ Mi ma'anic mi' cha' ch'ojoyel jini ch^Λmeño' b^Λ, che' jini, ma'anic tsa' ch'ojoyi Cristo ja'el.

¹⁴ Mi ma'anic tsa' ch'ojoyi Cristo lolom jach mic cha'len lojon subt'an. Lolom jach mi lac ñop ja'el.

¹⁵ Che'ic jini, lot jach mu' b^Λ c sub lojon, come tsa'ix c subu lojon: Dios tsi' teche ch'ojoyel Cristo. Pero mach isujmic lac t'an mi ma'anic mi' ch'ojoyelob jini ch^Λmeño' b^Λ, come che' jini, Dios ma'anic tsi' teche ch'ojoyel Cristo.

¹⁶ Come mi ma'anic mi' tejchelob ch'ojoyel, ma'anic tsa' tejchi Cristo ja'el.

¹⁷ Mi ma'anic tsa' tejchi ch'ojoyel Cristo lolom jach mi la' ñop. Che'ic jini, añet tola ti la' mul.

¹⁸ Sajtemob ja'el jini ch^Λmeño' b^Λ tsa' b^Λ i ñopoyob Cristo.

¹⁹ Mi w^Λ jach ti pañimil mi' poj coltañonla Cristo, ñumen p'ump'uñonla bajche' yaño' b^Λ winicob.

²⁰ Pero isujm tsa'ix tejchi ch'ojoyel Cristo ba'an ch^Λmeño' b^Λ. Jiñach ñaxan b^Λ tsa' b^Λ ch'ojoyi.

²¹ Come cha'an ti' caj juntiquil winic mi' ch^Λmelob pejtelel winicob, che' ja'el cha'an ti' caj juntiquil winic mi' tejchelob ch'ojoyel jini ch^Λmeño' b^Λ.

22 Come che' bajche' mi' chamelob pejtelel i p'olbal Adán, che' ja'el mi caj i cha' cuxtayelob pejtelel año' bΛ ti' Cristo.

23 Ti jujuntiquil mi' cha' tejchelob che' bajche' yom. Ñaxan tsa' ch'o'jyi Cristo, ti wi'il mi' cha' ch'o'jyel i cha'año' bΛ Cristo che' mi' cha' tilel.

24 Wi'il talix i jilibal ba' ora Cristo mi caj i yΛq'uen i yumΛntel Dios i Tat che' mi' yujtel i jisΛbeño' i yumΛntel yic'ot i p'ΛtΛlel pejtelel i contrajob.

25 Come wersa mi' cha'len yumΛl Cristo jinto mi' t'uchtan pejtelel i contrajob.

26 Mi caj i jisan ja'el jini cojix bΛ laj contra mu' bΛ i yΛc' ti chamel lac bac'tal.

27 Come Dios tsi' yΛc'Λ ti' wenta Jesús pejtelel chuqui tac an. Che' mi' yΛl aq'uebil ti' wenta pejtelel chuqui tac an, tsiquilΛch ma'anic tsi' yΛc'Λ i bΛ Dios ti' wenta Cristo che' bΛ tsi' yΛq'ue pejtelel chuqui tac an.

28 Che' mi' yujtel i ch'Λm ti' wenta i Yalobil Dios, mi caj i yΛc' i bΛ ti' wenta Dios tsa' bΛ i yΛc'Λ ti' wenta pejtelel chuqui tac an. Che' jini Dios i ñuclelΛch pejtelel chuqui tac an.

29 Mi ma'anic mi' cha' ch'o'jyelob jini chΛmeño' bΛ, ¿chuqui i ye'tel mi' ch'Λmob ja' jini cuxulo' bΛ ti' wenta jini tsa'ix bΛ chΛmiyob? ¿Chucoch che' jini mi' ch'Λmob ja' cha'an jini chΛmeño' bΛ?

30 ¿Chucoch che' jini mi cΛc' lojon c bΛ ti jujump'ejl q'u'in ba' bΛbΛq'uen mic chΛmel lojon?

31 Mic subeñetla hermanojob, isujm ñuc c pusic'al mij q'ueletla ti lac Yum Jesucristo. Isujm ja'el bΛbΛq'uen mic chΛmel ti jujump'ejl q'u'in.

32 Machic tsac ña'ta mi' cha' ch'o'jyelob chΛmeño'

b_Λ, ¿chuqui to i ye'tel tsaj contraji jini jontolo' b_Λ ti Efeso? Mi ma'anic mi' cha' ch'ojoyelob jini ch_Λmeño' b_Λ, la' lac cha'len we'el uch'el, come mach jalix mi caj lac ch_Λmel.

³³ Mach yomic mi la' jac' la' lotintel. Jini jontolo' b_Λ lac pi'lob mi' bib'esaño' lac pusic'al.

³⁴ Yom y_Λx_Λl la' wo bajche' yom. Mach la' cha'len mulil. Come an winicob x'ixicob mach b_Λ anic mi' c_Λño' Dios. Jini mic sub cha'an mij quisñitesañetla.

Bajche' yilal jini tsiji' b_Λ lac b_Λc'tal

³⁵ Pero an majqui mi caj i y_Λ: ¿Bajche' mi' tejche-lob ch'ojoyel jini ch_Λmeño' b_Λ? ¿Bajche' yilal i cuctal? che'en.

³⁶ Tontojet mu' b_Λ a w_Λl jini. Jini mu' b_Λ a p_Λc' ma'anic mi' coel mi ma'anic mi' ñaxan mujquel.

³⁷ Jini mu' b_Λ a p_Λc' mach lajalic ti q'uelol bajche' jini mu' b_Λ i pasel. Jini mu' b_Λ a p_Λc' to'ol pac' jach, mi trigo, o mi yamb_Λ.

³⁸ Dios mi' y_Λq'uen i wut jini pac' bajche' yom. Ti junchajp pac' mi' y_Λq'uentel i wut ti chajp ti chajp.

³⁹ Che' ja'el mach junlajalic b_Λc'tal_Λ. Isujm junchajp i b_Λc'tal winicob, yamb_Λ i b_Λc'tal b_Λte'el, yamb_Λ i b_Λc'tal ch_Λy, yamb_Λ i b_Λc'tal te'lemut.

⁴⁰ An junchajp i b_Λc'tal jini año' b_Λ ti panchan, yamb_Λ i b_Λc'tal jini año' b_Λ ti pañimil. Junchajp i ñuclél jini año' b_Λ ti panchan, yamb_Λ i ñuclél jini año' b_Λ ti pañimil.

⁴¹ Junchajp i ñuclél jini q'uin, yamb_Λ i ñuclél jini uw, yamb_Λ i ñuclél jini ec', come i ñuclél jump'ejl ec' mach lajalic bajche' i ñuclél yamb_Λ ec'.

42 Che'ach ja'el che' mi' cha' ch'ojoyelob jini chameño' bΛ. Jini mu' bΛ i mujquel mi' yoc'mΛl. Jini mu' bΛ i cha' ch'ojoyel mach yujilic oc'mΛl.

43 Ma'anic i ñuelcl che' mi' mujquel. An i ñuelcl che' mi' cha' ch'ojoyel. Ma'anic i p'atΛlel che' mi' mujquel. An i p'atΛlel che' mi' cha' ch'ojoyel.

44 Ch'oyol ti lum lac bΛc'tal mu' bΛ i mujquel, ch'oyol ti Espíritu lac bΛc'tal mu' bΛ i tejchel ch'ojoyel.

An lac bΛc'tal ch'oyol bΛ ti lum, an lac bΛc'tal ch'oyol bΛ ti Espíritu.

45 Che'ach ts'ijbubil: “Jini ñaxan bΛ winic, i c'aba' Adán, tsa' aq'uenti i ch'ujlel. Pero Cristo an i yEspíritu cha'an mi' yΛq'ueño'la laj cuxtΛlel”.

46 Ñaxan mi la cΛq'uentel lac bΛc'tal ch'oyol bΛ ti lum, wi'ilix lac bΛc'tal ch'oyol bΛ ti Espíritu.

47 Jini ñaxan bΛ winic Adán melbil ti lum. Pero Cristo, i cha'ticel bΛ winic, ch'oyol ti panchan.

48 Jini año' bΛ i bΛc'tal ch'oyol bΛ ti lum lajalob bajche' Adán ch'oyol bΛ ti lum. Jini mu' bΛ i yΛq'uentelob i bΛc'tal ch'oyol bΛ ti panchan lajalob bajche' Cristo ch'oyol bΛ ti panchan.

49 WΛle lajalonla ti q'uelol bajche' Adán. Pero lajal mi caj la cajñel che' bajche' Cristo.

50 Mic subeñetla, hermanojob, lac bΛc'tal yic'ot lac ch'ich'el yujil bΛ oc'mΛl mach ochic ti' yumΛntel Dios ba' ma'anic chuqui yujil oc'mΛl.

51 La' wilan, mic subeñetla jini mach bΛ tsic-tiyemic ti yambΛ ora: Mach ti pejtelonla mi caj lac chamel, pero ti pejtelonla mi caj lac yΛjñel.

52 Che' mi' wustΛl jini cojix bΛ trompeta, ti ora jach mi caj lac yΛjñel che' bajche' ora jach mi' mu-

jts'el mi' cajñel lac wut. Come mi' caj ti wustal jini trompeta, mi caj i tejchelob ch'ojyel jini chameño' bΛ. Ma'anix mi' chan chamelob. Joñonla ja'el mi caj lac yajñel.

⁵³ Come jini yujil bΛ oc'mal wersa mi caj i pantiyel ti jini mach bΛ yujilic oc'mal. Jini yujil bΛ chamel wersa mi caj i pantiyel ti jini mach bΛ yujilic chamel.

⁵⁴ Che' bΛ tsa'ix pantiyi jini yujil bΛ oc'mal ti jini mach bΛ yujilic oc'mal, che' bΛ tsa'ix pantiyi jini yujil bΛ chamel ti jini mach bΛ yujilic chamel, che' jini mi caj i ts'actiyel jini ts'ijbubil bΛ t'an mu' bΛ i yal: “Lac Yum mi caj i junyajlel jisaben i p'atlel chamel.

⁵⁵ ¿Bacan i c'uxel che' mi lac chamel? ¿Bacan mi' majlel i cha'an jini mucuñibal?” che'en.

⁵⁶ Jini c'ux bΛ, jiñach mulil mu' bΛ i yac'onla ti chamel. Jini mulil mi' taj i p'atlel cha'an jini mandar.

⁵⁷ Wocolix i yala Dios mu' bΛ i yalq'ueñonla lac p'atlel ti lac Yum Jesucristo cha'an mi' majlel lac cha'an.

⁵⁸ Jini cha'an, c'uxbibil bΛ quermanojob, chan ajñenla ti xuc'ul. Mach yomic tile bixel la' pusic'al. Yom baxetla che' mi la' cha'liben i ye'tel lac Yum, come la' wujil mach lolomic jach la' we'tel ti lac Yum.

16

Ofrenda cha'an i colantel i cha'año' bΛ Dios

1 Cha'an ofrenda mu' b_Λ la' tempan cha'an i colt_Λantel i cha'año' b_Λ Dios, ac'Λla jatetla che' bajche' tsac sube jini xñopt'añoob mu' b_Λ i tempañob i b_Λ ya' ti Galacia.

2 Ti jini ñaxan b_Λ q'uin ti jujump'ejl semana, ti jujuntiquiletla, parte yom mi la' w_Λc' lamital la' taq'uin. Lotola bajche' c'amel mi mejlel la' w_Λc' cha'an temp_Λbilix che' mij c'otel ba' añetla.

3 Che' c'otemon mi caj c choc majlel winicob año' b_Λ i cha'an carta ba' mi' tsictiyel yajc_Λbilob cha'an mi' ch'Λmob majlel jini ofrenda ti Jerusalén.

4 Mi yom_Λch mic majlel ja'el, mi mejlel c pi'leñoob majlel ti Jerusalén.

Baqui tsi' ña'ta majlel jini Pablo

5 Ya' talon ba' añetla che' ñumeñonix ti Macedonia, come com ñumel ti Macedonia.

6 Tic'Λl ya' mic poj c_Λyt_Λl ba' añetla cha'an mic ñusan i yorajlel ts_Λñal ja'el, cha'an mi la' pi'leñoob majlel ya' ba' mic majlel.

7 Come mach ñumelic jach com j q'ueletla. Com poj jalijel quic'otetla mi che' yom lac Yum.

8 Mi caj j c_Λyt_Λl ti Efeso c'Λl_Λl ti' yorajlel Pentecostés.

9 Come tsa' jambentiyon colem puerta ba' mi mejlel c wen cha'len e'tel anquese cab_Λlob j contra.

10 Mi tsa' c'oti Timoteo, q'uelela cha'an mi' yajñel ti uts'at ba' añetla, come mi' cha'len i ye'tel lac Yum lajal bajche'on.

11 Jini cha'an mach mi la' ts'a'len mi juntiquilet-icla. Cha' pi'lenla sujt_Λl ti' ñ_Λch'tilel la' pusic'al cha'an mi mejlel i cha' tilel ba' añoob, come wolic pijtan yic'ot yaño' b_Λ hermanojob.

12 Jixcu la quermano Apolos, cabal tsac sube ti wocol t'an cha'an mi' majlel yic'ot hermanojob ba' añetla. Maxto yomic majlel. Che' mi' tajben i q'uiñilel mi caj i majlel ba' añetla.

Cortesía tac

13 Yom y_Λx_Λ la' wo. Yom xuc'ul la' pusic'al mi la' ñop. Yom ch'ejletla. Yom p'_Λt_Λletla.

14 Ti pejtelel chuqui tac mi la' mel, melela yic'ot c'uxbiya.

15 La' wujil hermanojob, jini ñaxaño' b_Λ tsa' b_Λ i ñopoyob Dios ya' ti Acaya, jiñob_Λch Estéfanos yic'ot jini año' b_Λ ti' yotot, tsa'ix i y_Λc'_Λyob i b_Λ cha'an mi' coltañob i cha'año' b_Λ Dios.

16 Mic subeñetla ti wocol t'an, jac'benla hermanojob mu' b_Λ i melob che' bajche' jini, yic'ot pejtlob mu' b_Λ i cha'leñob e'tel cha'an mi' coltañob i cha'año' b_Λ Dios.

17 Tijicñayon cha'an tsa' tili Estéfanos yic'ot Fortunato yic'ot Acaico, come uts'at che' w_Λ' añoob jini uxtiquil anquese mach w_Λ'ic añetla.

18 Come tsi' ñuq'ues_Λbeyoñob c pusic'al yic'ot la' pusic'al ja'el. Q'uelela ti ñuc winicob mu' b_Λ i melob che' bajche' jini.

19 Jini xñopt'añoob mu' b_Λ i tempañob i b_Λ ti Asia mi' y_Λq'ueñetla cortesía. Che' ja'el Aquila yic'ot Priscila yic'ot jini xñopt'añoob mu' b_Λ i tempañob i b_Λ ti' yotot, cabal mi' y_Λq'ueñetla cortesía ti lac Yum.

20 Ti pejtelel jini hermanojob mi' y_Λq'ueñetla cortesía. Che' mi la' w_Λq'uen la' b_Λ cortesía ts'ujts'un la' b_Λ ti c'uxbiya.

21 Joñon Pablojon mic ts'ijbubeñetla cortesía tij c'ab.

²² Jini mach b^Λ anic mi' c'uxbin lac Yum Jesu-
cristo la' chojq^uic ti Dios. Tal lac Yum.

²³ La' ajñic i yutslel i pusic'al lac Yum Jesús la'
wic'ot.

²⁴ Mij c'uxbiñetla ti la' pejtelel ti Cristo Jesús.

I T'an Dios
Bible without Deuterocanon in Chol Tumbala; ctu
(MX:ctu:Chol)

copyright © 1977 Wycliffe Bible Translators, Inc.

Language: Chol

Translation by: Wycliffe Bible Translators, Inc.

Chol, Tumbalá [ctu], Mexico

Copyright Information

© 1977, Bible League International

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The Bible without Deuterocanon

in Chol

© 1977, Bible League International

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files
dated 29 Jan 2022

45de077a-5b47-572a-bd9d-72438a3be945